

安陸府志卷之三十五

藝文志

四言

九日侍宴

竟陵王蕭子良

月殿風轉層臺氣寒高雲歛色遙露已團式詔司警
言戾龜蠻輕觴昔薦落英可食

安陸府志

卷三十五

四言

一



遊僊詩鬼谷洞作

郭璞

青谿千餘仞中有一道士雲生梁棟間風出牕戶裏
借問此何誰云是鬼谷子翹迹企潁陽臨河思洗耳
聞闔西南來潛渡魚鱗起靈妃顧我笑粲然啓玉齒
蹇修昔不在要之將誰使

代陽春登荆山行

鮑照

旦登荆山頭崎嶇道難游早行犯霜露苔滑不可留
極眺入雲來窮日盡帝州方都列萬室層城帶高樓
安陸府志
奕奕朱軒馳紛紛綺衣流日氣映山浦暄霧逐風收
花木亂平原桑柘盈平疇攀條弄紫莖藉露折芳柔
遇物雖成趣戀者不解憂且共傾春酒長歌登山丘

卷三十五上 五言古

一

石城樂

臧質

唐書樂志曰石城樂者宋臧質所作也石城在竟
陵質嘗爲竟陵郡於城上眺矚見群少季歌謔因
作此曲

生長石城下開牕對城樓城中諸少季出入見依接

文

陽春百花生摘挿環髻前挽指蹋忘愁相與及盛年
又

布帆百餘幅環環在江灣執手雙泪落何嘗見歡還
又

大編載三千漸水丈五餘水高不得渡與歡合生居
又

聞歡遠行去相送方山亭風吹黃葉葉惡聞苦離聲
又

莫愁在何處莫愁在城隈艇子打兩槳催送莫愁家
安陸府志

又

輦歡下揚州相送楚山頭探手抱腰看江水斷不流

漢江餞別謝文學眺

沈約

漢池水如帶巫山雲似蓋滌汨背吳潮潺湲橫楚瀨
一望沮漳水寧思江海會以我徑寸心從君千里外

和沈右率諸君餞謝文學

謝眺

春夜別清樽江潭復爲客歎息東流水如何故鄉陌
重登日蓋蓋芳洲轉如積望望荆臺下歸夢相思夕

陽春歌

檀約

青春獻初歲白日映雕梁
蘭萌猶自短柳葉未能長
已見花紅發復聳花蓋香
乘此試遊行誰知心獨傷

白雪曲

朱季廉

凝雲沒霄漢從風飛且散
聯翩下幽谷徘徊依井幹
既與楚客謔亦動周王歎
所恨輕寒早不迫陽春旦

望郢州城

沈炯

魂兮何處返非死復非僊
坐柯如昨日石合木淹季
歷陽頓成浦東海果爲田
空憶扶風詠誰見峴山傳
世變才良改肯移民物遷
悲哉孫驃騎悠悠哭彼天

安陸府志

卷三十五上 五言古

三

送金竟陵入蜀

崔信明

金門去蜀道玉壘望長安
豈言千里遠方尋九折難
西上君飛蓋東歸我拄笏
猿聲出峽斷月彩落江寒
從今與君別花月幾新殘

子胥臺

鮑機

忠孝誠無報感義本投身
日暮江波急誰憐漁丈人
楚墓悲猶在吳門恨未伸

望荆山

江總

奉義至江漢始知楚塞長
南關繞桐柏西岳出魯陽

寒郊無留影，日懸清光。悲風繞重林，雲霞肅川漲。
歲晏君如何，零泪沾衣裳。玉柱空掩露，金樽坐含霜。
一聳苦寒奏，再使豔歌傷。

卞山楚廟

江總

蘋藻祈明德，倚棹自巖阿。忽聽晨雞曙，非是楚人歌。
閒堦薤宿薺，古木懸新蘿。幃堂寂易晚，枹鼓自相和。
盛祀流百世，英威定幾何。

望荆門

陳子昂

楚閣微雨收，荆門看日濛。舟水雲裏日，暮春江綠

安陸府志

卷三十五上 五言古

四

霽華淨洲渚，夜色連松竹。月出波上岑，人歸渡頭宿。
一身已無累，萬事更何欲。漁父白夷猶，白鷗不羈束。
旣憐滄浪水，更愛滄浪曲。不見眼中人，相思心斷續。

郢城懷古

李百藥

客心悲暮序，登墉瞰平陸。林澤窅芊緜，山川鬱重複。
王公資設險，名都距江澳。方城疑北門，溟海窮南服。
長策挫吳豕，雄圖競周鹿。萬乘重阻障，九鼎輕伊穀。
大蒐雲夢掩，壯觀章華築。人世更盛衰，吉凶良倚伏。
遽見鄰交斷，仍覩賢臣逐。南風忽不競，西師日侵蹙。

邇圯屬驅除昔屯恣敲扑莫救夷陵火無復秦庭哭
鄢郢遂丘墟風塵俄慘黷狐兔昔遊踐霜露日沾沐
鈞渚曲池平神臺層宇覆陣雲埋夏首窮陰慘荒谷
悵矣舟壑遷悲哉年代倏雖異三春望終傷千里目

樊妃墓

張說

楚國所以霸樊妃有力焉不懷沈尹祿誰諳叔敖賢
萬化茫無在孤墳獨巋然北分陽臺陌南識郢城阡
漠漠渚宮登蒼蒼雲夢田登高形勝出訪古今名傳
自我來符守因君樹蕙荃詩書將變俗締纒忽彌天

安陸府志

卷三五

上五言古

五

志闌三折後愁值二毛前佇立帝京路遙心寄此篇

樊妃墓

張九齡

蘋藻生南澗蕙蘭秀中林嘉名有所植芳氣無幽淡
楚子初逞志樊妃常獻箴能令更擇士非直罷從禽
舊國皆湮滅先王亦莫尋惟傳賢媛隴猶結後人心
牢落山川意蕭疎松柏陰破墻皆直上荒徑或斜侵
會同終不絕風流獨至今千龜思窈窕黃鳥復哀音

玉泉寺

張九齡

靈境信幽絕芳岑重暄妍再來及茲勝一遇非無緣

萬木柔可結千花歎欲然松間鳴好鳥竹下流清泉
石壁開精舍金光照灑筵真空本自寂假有聊相宣
復此灰心者仍退巢頂禪簡書雖有畏身世亦俱捐

祀紫蓋山經玉泉山寺

張九齡

指途躋楚望策馬傍荆岑稍稍松篁入泠泠澗谷深
觀竒逐幽渺歷險忘嶮嶺上界投佛影中天揚梵音
焚香懺在谷禮足誓來今靈異若有對神僊其可尋
高僧聳逝者遠俗是初心薜剝經行處猿啼燕坐林
歸真已寂滅留跡豈湮沉灑地自茲廣何云千萬金

安陸府志

卷三十五 上五言古

六

餞郢州李使君

蘇頌

楚有章華臺遙遙雲夢澤復聳擁符傳及是收圖籍
佳政在黎人能聲寄侯伯離懷朔風起試望龜陰積
中路悽以寒群山靄將夕傷心聊把袂怡悵麒麟客
昇僊橋
長橋題柱去猶是未達岢及乘駟馬車却從橋上歸
名共東流水滔滔無盡期

岑參

餞郢州李使君二首

王昌齡

塞江映村林亭上納鮮潔楚客共聳飲靜坐金闈闕

幽意日入山，暝來雲歸穴。城樓空春靄，猿鳥倍清切。
物狀如絲綸，止心爲予訣。訪君東溪寺，早晚樵徑絕。

漢中漾舟

孟浩然

漾舟逗何處，神女漢臯曲。雪罷水復開，春潭十丈綠。
輕舟恣往來，探翫無馱足。波影搖妓釵，沙光逐人目。
傾蓋魚鳥醉，聯句鶯花續。良會難再逢，日入須秉燭。

安陸寄劉侍御綰

李白

雲卧三十年，如閒復愛僊。蓬壺雖寥絕，鸞鶴心悠然。
歸來枕花叢，得憇雲廕底。封嶺人共語，飲潭猿相連。

安陸府志

卷三十五上

七

昔升翠微上，邈若羅浮巔。兩岑抱東壑，一嶂橫西天。
樹雜日易隱，崖傾月難圓。芳草溟埜色，飛蘿搖春煙。
入遠構石室，選幽開山田。獨此林下意，杳無區中緣。
永辭霜臺客，千載方來旋。

郢門龜懷

李白

郢門一爲客，巴月三成弦。朔風正搖落，行子愁歸旋。
杳杳山外日，茫茫江上天。人迷洞庭水，雁度瀟湘煙。
清曠諧宿好，緇磷及此年。百齡何蕩漾，萬化相推遷。
空謁蒼梧帝，徒尋溟渤僊。已聳蓬海淺，豈見三桃園。

倚劍增浩歎捫襟還自憐終當遊五湖濯足滄浪泉
答族姪僧中孚玉泉僊人掌茶 李白

嘗聳玉泉山山洞多乳窟僊鼠如白鷓倒懸溪谿月
茗生此中石玉泉流不歇根柯漚芳津採服潤肌骨
叢老採綠葉枝枝相接連曝成僊人掌似拍洪崖肩
舉世未之見其名定誰傳宗英乃禪伯換贈有佳篇
清鏡燭無鹽顧慚西子妍朝坐有餘興長吟播諸天

郢客吟白雪

李白

郢客吟白雪遺響飛青天徒勞歌此曲舉世誰爲傳

安陸府志

卷三十五

八

試爲巴人唱和者乃數千吞聲何足遺歎息空悽然

泛沔州城南湖詩

有序

李白

乾元歲穰八月白遷于夜郎故人尚書郎張謂出
使沔州觴于江城之南湖樂天下之再平也方夜
水月如練清亮可掇張公殊有勝槩四望超然乃
顧白曰此湖古來賢豪游者非一而枉踐佳境寂
寥無聳夫子可爲我標之嘉名以傳不朽白因舉
酒酌水號之曰郎官湖亦猶鄭圃之有僕射陂也
席上文士輔翼岑靜以爲知言乃命賦詩紀事刻

石湖側將與大別山共相磨滅焉

張公多逸興共泛沔城隅當昔明月好不滅武昌都
四座醉清光爲歡古來無郎官愛此水因號郎官湖
風流若爲滅名與此山俱

荆門浮舟望蜀江

李白

春水月峽來浮舟望安極正是桃花流依然錦江色
江色綠且明茫茫與天平透迤巴山盡搖曳楚雲行
雪照聚沙雁花飛出谷鶯芳洲却已轉碧樹森森迎
流日浦煙夕揚帆海月生江陵識遙火應到渚宮城

安陸府志

卷三十五上 五言古

九

湯酬賈沔州 有序

元結

賈德方與湯叟者懼湯叟不能其窮獨懼湯叟又
須爲官故作詩相喻其指曰勸爾莫作官作官不
益身因得方之意湯酬之

往季壯心在嘗欲濟昔難奉詔舉州兵令得誅暴叛
上將屢顛覆偏師嘗救亂未曾弛戈甲終日領簿案
出入四五季憂勞忘昏旦無謀靜兇醜自覺愚且悞
豈欲阜樞中爭食藪與蕢去季辭職事所懼貽憂患
天子許安親官又得閒散自家樊水上性情尤荒悞

雲山與水木似不憎吾憊以茲忘昔世日益無畏憚
湯醉人不噴湯眠人不喚湯游無遠近湯樂無早晏
湯中湯亦忘名利誰人算聳君勸我意爲君一長歎
人誰年八十我已過其半家中孤弱子長子未及冠
且爲兒童主種藥老谿澗

謝陸處士杼山折青桂花見寄之什

顏真卿

羣子游杼山山寒桂花白綠萼含素萼采折自逋客
忽在巖中詩芳香潤金石全高南越蠹豈謝東堂策
安陸府志

卷三十五上

五言古

十

會愜名山期從君恣幽覲

關將軍祠送高員外還荆南

卽士元

將軍稟天資義勇貫今昔走馬百戰場一劍萬人敵
誰爲感恩義竟作思歸客流落荆巫間徘徊故鄉隔
離筵對祠宇洒洒暮天碧去去勿復言銜悲向陳跡

紀南歌

劉禹錫

風煙紀南城塵土荆門路天寒多獵騎走上樊姬墓

南楚懷古

劉長卿

南國久蕪沒我來空鬱陶君看章華宮處處生蓬蒿

但見陵與谷豈知賢與豪精魂托古木寶玦捐江臯
倚棹下晴景廻舟隨晚濤碧雲暮寥落湖上龜天高
往事那堪問此心徒自勞獨餘湘水上千載聳離騷
京山行
孟郊

贈盧虔

孟郊

此皆游子心百尺風中旌
知音不韻俗獨立占古風忽掛觸邪尉遠逐南飛鴻
蕭蕭太守章明明華轂躬高山無平路楚水有驚濤
安陸府志
卷三十五言古
十一

自商行謁復州盧使君虔

孟郊

一身遶千山遠作行人未遂東吳歸暫出西京塵
仲宣荊州客今爲竟陵賓往蹟雖不同託意皆有因
商嶺莓苔滑石坂上下頻江漢沙泥潔永日光景新
獨泪起殘夜孤吟望初晨驅馳竟何事章句依溪仁
玉泉道中作
元稹

楚俗物候晚孟冬纔有霜早農半華實夕水含風涼
遐想雲外寺峰巒相望松門接宮路泉脉連僧房
微露上弦月暗焚初夜香谷深煙靄淨山虛鐘磬長

戀此清境遠復憂塵事妨行行且前路勿滯分寸先
訪陸羽處士不遇

僧皎然

太湖東西路吳王右廟前所思不可見歸鴻自翩翩
何山賞春茗何處弄清泉莫是滄浪子悠悠一釣船

莫愁樂

李賀

草生壠坂下鴉噪城堞頭何人此城裏城角栽石榴
青絲繫五馬黃金絡雙牛白魚駕蓮船夜作千里游
歸來無人識暗上沉香舟羅牀倚瓊琴殘月傾簾鉤
今日槿花落明朝梧樹飄若負平生意何名作莫愁

安陸府志

卷三十五

十一

題清溪鬼谷先生舊居

李涉

翠壁開天地青崖列雲樹水容不可狀杳若清河霧
常聳先生教指示秦儀路二子才不同逞詞邁尺度
偶因從吏役遠到冥栖處松月想舊山煙霞了如故
未遑鍊金鼎日覺容光暮萬慮隨境生何由返真素
寂莫天籟息清迥鳥聲曙迴首望重重無期捉風馭

送張伯常移居郢州

司馬炅

楚江白透迤楚山碧參差玉炊稻粒長縷切魚膾肥
羨君盡室行飄然無所羈伐竹營茅茨種菊爲藩籬

荒陵無四垣但以荷塘圍官雖朝大夫身世已相違
埜老爭坐席林叟談忘歸猶嫌沮溺徒名字爲人知

惠泉

蘇軾

泉源從高來走下隨石脉紛紛白沫亂隱隱蒼崖折
灣回成曲沼清澈見肝膈激瀉爲長溪奔駛蕩蛙蝮
初開不容椀漸去已如帛傳聳此山中神物頗遭謫
不能致雷雨濫濫吐寒碧遂令山前人千古灌稻麥

漢上茅屋張伯常寓郢昔築居 曾 鞏

遠山清漢上隱然一堤長槐柳若雲布連陰入虛堂

安陸府志

卷三十五 五言古

十三

駕險注鳴溜分畦植穉芳豈惟富桑柘益亦餘困倉
主人事幽屏不願尚書郎卽此徇高志風騷恣徜徉
強起迫義重還歸直明允清風凜然在素壁盈文章
故棲勿回眄黃鵠本高翔

弔屈原詞

滕 毅

檐帷褰薄暮迴飈吹白雲下有栖神宇慘淡臨江濱
行吟旣不返遺響寧再聳綠榮金丹絲婉爾含清芬
沐芳正剗佩酌水掛夕曛長歌靈谷應眷思何紛紛
願言卜瓊茅巫咸不可群渚宮望儼羽再拜雲中君

帝星一晉

無名氏

翩翩釣臺翁
敝屣棄利祿
烟波七星灘
風月一竿竹
平生知己誰
故人劉文叔
三聘乃肯來
公卿指爲辱
高風輕萬乘
敢以足加腹
居然動天象
下應大史卜

梅花嶺

無名氏

徒有梅花名
不見梅花樹
簪日種梅人
今日歸何處
四顧盡荆榛
令人發長喟
長喟良有因
種植猶有繼
何當採其實
重調商鼎味

宿龍泉寺

柏溪

安陸府志

卷三五上
五言古

十四

伏劍賦遠遊
名山資幽討
側聳龍泉勝
江山惟夙好
列嶂獻竒姿
千峯勢相抱
碧澗蟠蛟龍
青林隱猿鳥
山嵐滋石芝
晴日燠瑤草
雲峯石門幽
月傍佛樓小
老衲解人情
石榻爲予掃
煮茗薦松花
焚香分麝腦
平生西方願
稽首白足老
暫謝塵世心
跣趺坐清曉
何肯解天刑
繕性息煩惱
古鼎篆煙殘
鶴夢清未了

石城樂

李夢陽

盈盈窈窕女
當門是誰家
十三學畫眉
十五擅琵琶
邑中有盧家
此女名莫愁
向前問此女
女聳雙泪流

二十嫁夫卽重門阿閣房臨牕種桐樹
五季妾身長自渠下揚州置妾守空樓
悔不快剪刀斷水不東流

寒食赴大石山

劉侃

鷄鳴促櫛沐起視且若何攝衣履
嶇嶇欵北望青山阿
青山路不極綠水春復波
經行歷九折迢遞盼重河
宿草悵已萋况此丘中柯
金鍾理荒穢日夕忘蹉跎
粵管高堂寢懽燕亦何多
一朝歸山丘相與泣松蘿
悠悠天壤間歛如隙驥
過白日已西沒誰挽魯陽戈
戀此傷我心愴然歌
蓼莪歌盡何所見雲山空嵯峨

安陸府志

卷三五上五言古

十五

坐東郊一晉

楊誌

入境各氛雜絕無開口笑蕭蕭草莽間
寂寂抱幽妙藉地作穩眠登高極清眺
俛仰從所欣滄浪與同調宿鷺解避人
潛鱗不上釣所以山澤心何曾慕廊廟
有酒滿金罍欲醉復大叫何物送殘杯
明月出孤嶠

經觀音巖

鍾惺

洞壑但如此今來較不同泉石稍差次
遽覺心目通峯氣值殘霽徃徃變蒼紅
曲屈失故徑層溪翻得窮向者攀援處
乃在頽視中安知所躡歷其下非嵌壑

何心覓前源徑盡忽以逢
水木發蘊籟而非谷中風
惘然觀因應悅焉如發蒙

出郊

鍾惺

閉戶成窮冬出郊知有春
耳目久不接熟境亦覺新
芳草如欲暮桃花忽以晨
偏何多氣候物色紛然陳
春雖淡未闌動植方怡神

寒河詩爲友夏賦

鍾惺

子居在河干河水寒其聲
而我來五月颯然形慮清
乃悟蘊冬意不從霜雪生
動植泐涸之欣欣無不榮
安陸府志 卷三五 上五言古 十六

蕭然高寒內貴具天淵情

我遊凡兩歸訪子不能再
徒記子門前前與寒河對
今遂幻其涂河流不在外
欲知來徃生但覩門向背
夕憩尋初跡心日猶映帶
鳥聲在殘雨烟物發其靄
兄弟友朋弁來如風雨會
語默如一人悠然而無礙

蘊晚荆門道中抵泉寺宿

鍾惺

向晚蘊如何輿馬行鴻濛
動植猶在墊未落氣先空
平楚遠難靜蘊聲當在中
鳥歸赴殘霽千山紅未終
洞巖寂寂後威蕤生衆容
戒途息泉寺喜與泉徑通

水木爲穠天至夜同一風二水無靈昧焉分惠與蒙
此時無聽觀孤磬發浚衷

永固寺

李 灏

逶迤沙口村歲晏過其地前有修竹林云是永固寺
不知何季建臺殿今頽棄下馬覽荒跡石碑震雷碎
獨存宋遺鐘上鑄景定字塔院牛羊入朱龕鴿雀戲
諸天金碧色剝落三之二曩昔祈福人歲饑聞無至
天寒夜陰黑徃來哭魑魅一僧寂無侶晝擁絮裝睡
鉢塵恒苦饑徒抱西來意熒熒石蓮燈照我激清喟

安陸府志

卷三十五上五言古

十七

眺古及重悲感廢非崇異空門啟冥筌淨界參玄譬
慈航那可援瘴海得攸濟呼僧吹瀾螺一醒諸緣累

夜過雲土禪室

王應翼

霜氣逼更殘月懸深巷路爲識向人聲問呼童卽趨
課晚磬初圓茗坐繙經處

五味池

王應翼

要知悅衆心先爲調群口爽者備嘗之不盈一缶有
和羹太古初未許堅珉壽

夜出蒙泉過惠泉作

譚元春

懷挾蒙泉情安坐惠泉裏二泉自相友合流爲澗水
天風語蛟虬詭激竦心耳龜踏暮山空竒響經踵趾
泉亦茫昧然聽命于元始物各以所感相近爲悲喜
聰明而靜篤蕭蕭發妙理還寢告衾枕清夢當如此
過荆門坐蒙惠二泉間三日乃去

鄭友鉉

泉行千山腹偶向坐邊泄客抱一夏心幽濛聲中潔
靜哉車與僕晨夕寬聽啜自撫襟膺內涼淒何年竭
起步池上流已作巖巖別置此遐聽人逝與溪澗閣

安陸府志

卷三五上五言古

十八

活活忽化石歸壑響影結千山中未吐蒙惠與我咽
題郝仲輿先生天階閣 王應鼎

六經如散塵飄忽隨行轍姬孔匿光燄難與商周列
子史漱群言浮華空爾掇天授至人師樹我寰中臬
幽岫峙秦衡濂洛俯下垓危閣倚層霄藏書無翫蝶
位置蕭先靈莊誦欽師說研心屏晝寫淨如水壺徹
譚屨後千古楷蠅工點閱近夜望藜輝立殘戶外雪

竟陵十詠

胡承詔

三篋

三筵疑水陸辨以澄之紀渟波翫凝碧洞酌惟清泚
渡頭人不喧日暮漁歌起

魚陂

魚陂不可識山川非舊名嗟哉楚公子擐甲此徂征
恥國有五難違動竟無成

霄城

霄城自有名誰謂分雲柱昔在范尚書此地析茅土
漠漠驅行雲霏霏來暮雨

邛亭

安陸府志

卷三五上 五言古

十九

國紀相參考此地卽邛亭所以令尹廟旁連大澤青
不爲爵祿勉吁嗟有典型

巾水戍

古戍夷爲田巾水廻作堰穠原禾黍滿寨渚蕪葭遠
旁睨千萬峯洞壑欽膚寸

竟陵城

邑西三十里古堞委修陵介在二水間吐納或有徵
煙月吳天美應以今治稱

西江水

水從城下過泉出山中好通得柘巾
襴兼總三篋道我讀萬象歌千穉寄懷抱

陸文學茶井

茶井覆釜洲至今淪沒久專祠表祇園
亂後亦無有清風動孤磬湖煙散高柳

宓戲廟

其人無須句諳牒詎能詳廟枕華山
碧溪鳴滉水長文字儻不毀祈報固無方

七里沔

安陸府志

卷三五上 五言古

二十

名齊嚴子瀨得展東臯眺平岡既蕭散
水木更清妙豈無幽棲者異地亦同調

滴水巖

王偶壘

園景絕臺榭靈溪還鴻濛驚湍上下激
仍與舊昔同謾謾松間奏流八咽泉融
我來當九月沿山飛亂紅因寂閒萬象
但聽林外春禽綠霽人目幽清爲我濃
何以贈穉山添余一枝筇

遊長慶寺

劉希獻

鐘鳴百臘集指點步追隨亂山穉欲退
斷岸石猶支

草秃羅漢嶺墓存蘇子碑松古千季甲石殘五味池
齋罷青精飯林昏帳日連
地僻稀遊屐客至喧掃剪青螺梳雨後白鳥怯風前
雲盤山竒峭石咽澗潺湲惱詩得句晚忘情較衆先
欲老茲丘壑綠慳恐未然

白竹寺贈寒碧大師

譚篆

荒陵柘水西數畝聚寒籜枯岑無四隣鳴磬出高閣
林外塞荆榛入林盡芳蕝聽彼草木榮歲月自促薄
明心肅燈火神智無所作庭前親洒掃塔下飯饑雀
安陸府志 卷三五上 五言古 二十一
至理何言哉白雲空墊壑

官廳道中

王吉人

寒山景色枯六月未霑雨秔稻倒如折半猶穗未吐
晚風吹短禾平原多猛虎日暮返故園田廬久無主
到門氣懣悽明月冷蓬戶父老聞我旋歎息過舊廡
昨夕吏呼嗔走檄來幕府官稅亦何多軍需更旁午
行墊茂寒莎十田九廢圃黃白舊里胥半粒空瓦釜
嚴令北東薪久立動衙鼓徒聳蠲租言倍徒盈還恥
仰天不再金帑藏成何補民生苦驅迫焉用戀鄉土

讀三忠傳有感

王吉人

蕭漢古之人五日不食水壯哉沈壽崇罵死聲不死
宋君何英烈委身陵園裏敗北存英雄忍饑成男子
慷慨與從容難易合正理但念臣罪深一死猶愧耻

謁關侯墓

黃聖季

立志在春蠶取義愜幽獨凜凜烟霜間耿光灼人目
矧茲登崇封森森羅宰木靈衣颯神爽闕宮獻肅穆
驚飈紫駟怒陰霆寶刀煜流眄感霸圖山川阨全蜀
漢燼自不然丹心此烏燭誰云數尺土英雄馳九服

安陸府志

卷三五上

二十三

莫愁樂

徐篁

和風足解阜溪紅結城西誰家清揚女腰級帶小鱗
能爲吟歎曲三禾櫓送前溪惆望解佩處餘吟落殘霓

常林歡

徐篁

卽常林聚梁簡文爲常林歡詞後多仿其遺音
北望桃林岸愛飲二泉水西望仲宣樓塹向荆山止
漢水東流盡危籬猶戀此

常家洞

譚渾

古人杖屨處不敢生苔蘚能使百代下指爲某所踐

莖性嗜幽尋攀涉忘其遠斷壑渡木危躡空捫蘿險
仰視梯磴懸山僧住絕巘娑羅繡鐵成歲久枝蓋偃
日影透清流鼓鬣魚遊暖巖龕土木軀剝落塵埃滿
龍象但低眉榮枯心不管余最愛一石斑駁花藤甯
久翫廢饑渴暗失山逕轉

過白谷洞

胡其恪

犯曉霜天路幽人夢未醒扣門呼君來隨龜蹋山頂
老僧繩義皇貌古顛彘鼎引水入竈厨掃葉辦蔬茗
竒響發空山養我肝腸靜寒光落奔泉黏我眉髮冷

安陸府志

卷三五上五言古

二十三

含露花一巖生風松半嶺卽此傲巢由不須圖箕頽
坐有客初遊遊興亦自猛電目射蒼巖虛心肯取願
如茲丘壑綠穉燭手雙秉鐘寒出峯來聞餘聽自省

望惠亭懷古

胡銘鼎

終日青在眼冷風吹谷松安石讀書處烟荒路不通
日暮雲氣合濕翠落城中

郢中感懷

許琪標

舉世尚同流蹇修不我語嬋媛美一人獨立誰爲侶
宮苑颯生風梧楸遍砧杵宵來江上行遠水縈孤緒

懷王姝未知章華今禾黍

京山道中憂勞

許琪標

昨秋雨澤少丘壑半作蕪今歲靈霖積青青隴上蒲
忌盈或天遣忍迺數侵膚憫彼沾塗者中夜起踟蹰
追呼良獨苦兕虎誰能驅民萌猶草竊剪刈濫根株
此實干和理政豈在屏沾

宿蒙惠二泉作

濮陽錦

汗漫若有得勿言來遊遲况踐靈勝地豁然洗心脾
二泉發何代蒙惠名亦奇乳竇分則二流回歸一池

安陸府志

卷三十五上 五言古

二十四

烟霞自朝暮原與衆共之賞心各具眼或能爲我私
我來成信宿飲酌忘饑疲象山與涪翁庶幾其有貽

五言律

卷三十五

度荆門望楚

陳子昂

遙遙去巫峽望望下章臺
巴國山川盡荆門煙霧開
城分蒼野外對斷白雲隈
今日行歌客誰知入楚來

晚次樂郊

陳子昂

故鄉杳無際日暮且孤征
川原迷舊國道路入邊城
野戍荒煙斷溪山古木平
如何此時恨嗷嗷夜猿鳴
送沙門弘景道俊鉉葵還荆門應制

宋之問

安陸府志

卷三十五 五言律上

一

一乘歸淨域萬騎餞通莊
就日離亭近彌天別路長
荆南旋杖鉢渭北限津梁
何日舒真果還來入帝鄉

昭君怨

盧照隣

合殿恩中絕交河使漸稀
肝腸隨玉輦形影向金微
漢地艸應綠胡庭沙正飛
願逐三羆鴈年季一度歸
鮮于庶子泛漢江

岑參

急管更須吹金杯莫遣遲
酒光紅琥珀江色碧琉璃
日影浮歸棹蘆花冒釣絲
山公醉不醒問取葛疆知

玄上人林泉

賈賓王

俗遠風塵隔春還初服遲林疑中散地人似上皇時
芳杜湘君曲幽蘭楚客詞山中有春艸長似寄相思
送爻歸郢中

王維

萬里春應盡三江鴈亦稀連天漢水廣孤客郢城歸
鄭國稻苗秀楚人菰米肥懸知倚門望遙識老萊衣
竟陵西塢寺

裴迪

竟陵西塢寺蹤跡尚空虛不獨文公任曾經陸羽居
艸堂荒產蛤茶井冷生魚一汲清泠水高風味有餘

李白

漢江臨眺

安陸府志

卷三五

五言律上

二

楚塞三湘接荆門九派通江流天地外山色有無中
穉邑浮前浦波瀾動遠空襄陽好風日留醉與山公

李白

度荆門送別

度遠荆門外來從楚國遊山隨平野盡江入大荒流
月下飛天鏡雲生結海樓仍憐故鄉水萬里送行舟

孟浩然

歸至郢中

遠遊東海嶠返棹歸山阿日夕見喬木鄉關在伐柯
愁隨江路盡喜入郢門多左右看桑土依朕卽匪他
送柏子之郢成禮

孟浩然

聞君馳綵騎蹀躞指荆衡為結潘楊好言過鄢郢城
標梅詩已贈羔鴈禮將行今夜神僊女應來感夢情

送人歸沔南

李頎

梅花今正發失路復何如舊國河山在新季風景餘
春繞漢陽曹日寄武陵書可惜明時老臨川莫羨魚

公安送李晉肅入蜀予下沔鄂 杜甫

正解柴桑纜仍看蜀道行穉鳥相背發塞鴈一行鳴
南紀連銅柱西江接錦城憑將百錢卜飄泊問君平

題玉泉大師智者影堂 齊己

安陸府志

卷三十五上 五言律

三

大化絳華頂靈蹤示玉泉由來負高尚獨向好山川
洞壑藏諸怪杉松列瘦煙千穉空樹影猶似覆長禪

遊玉泉寺 周朴

寺還名玉泉澄水亦遭賢物尚猶如此人爭合偶狀
溪流雲斷外山峻鳥飛前初日長廊下高僧正坐禪

送李暎秀才 許渾

南樓送郢客西郭見荆門鳧鵠下寒渚牛羊歸遠村
蘭舟倚行棹桂酒掩餘尊重此一畱宿前村煙水昏

登復州南樓 錢起

孤樹延春色他山卷曙霞客心湖上鴈歸思日邊花
行李迷方久歸期涉歲賒故人雲路隔何處寄瑤華

送唐別駕赴郢州

錢起

少季從事好此公別愁輕滿坐詩人興隨君郢路行
蒹葭侵驛對雲水抱山城遙愛下車日江臯春艸生

和州送人歸復郢

劉長卿

因家漢水曲相送掩柴扉故郢生青艸寒江淡落暉
綠林行客少赤壁住人稀獨過潯陽去潮歸人不歸

石城

李商隱

安陸府志

卷三十五上

五言律

四

石城誇窈窕花縣夏風流簟水將飄枕簾烘不隱鉤
玉童收夜鑰金狄守夏籌夏笑鴛鴦綺鴛鴦兩白頭

題玉泉寺

白居易

湛湛玉泉色悠悠浮雲身閒心對定水清淨兩無塵
手把青筇杖頭戴白綸巾興盡下山去知我是誰人

獨遊玉泉寺

白居易

雲登玉泉寺肩輿半日程夏無人作伴祇共酒同行
新葉千萬影殘鶯三兩聲閒遊竟未足春盡有餘情

郢州別王七使君

白居易

咎日詩狂客今爲酒病夫強吟翻悵望縱酒不歡娛
鬢髮三分白交親一半無郢城君莫歇猶較近京都
寄郢州郎使君士元
李嘉祐

籠節知無事江城不掩扉詩傳過客遠書到故人稀
坐嘯看潮起行春送鴈歸望舒三五夜思盡謝玄暉
送惠雅灋師歸玉泉
賈島

祇到瀟湘地洞庭湖未遊飲泉看月出下峽聽猿愁
講不停雷雨吟當近海滄降霜歸楚夕星冷玉泉秋
送客赴江陵寄郢州郎士元
李端

安陸府志 卷三五上五言律 五
露下晚蟬愁詩人舊怨秋沉湘莫畱滯宛洛好遨遊
飲馬逢黃菊離家值白頭竟陵明月夜爲上庾公樓
送雍郢州
李端

厭郎思出守遂領漢東軍望月逢殷浩緣江送范雲
城閒煙艸通浦迥雪林分誰伴樓中宿吟詩佑客聞
石城館醜王將軍
郎士元

誰能繡衣客宵駐木蘭舟連鴈沙邊立孤城江上浮
歸帆背南浦楚塞入西樓何處看離思滄波日夜流
送郎士元赴郢州
司空曙

使君持節去雲水滿前程楚寺多連竹江檣遠映城
登樓向日望賽廟傍山行若動思鄉詵應貽謝步兵

郢州郎事

張喬

孤城臨遠水千里見寒山白雪無人唱滄洲盡日間
鳥歸殘燒外帆去斷雲間此地秋風起應隨計吏還
雲夢故城秋望

戎昱

故國惟墟在登臨想舊遊一朝人事變千載水空流
夢渚鷗飛晚荊門荳色秋片雲凝不散遙掛望鄉愁

送郎士元使君赴郢州

盧綸

安陸府志

卷三十五上五言律

六

賜衣兼投節行日郢中聞花發登山廟天晴閣水軍
漁商三楚接麗邑九江分高興應難遂元戎有大勳

陪郢州張員外宴白雪樓

許棠

高情日日間多宴雪樓間灑檻江上雨當筵天際山
帶帆分浪色駐樂詒朝班豈料羈遊者樽前得解顏

送陸鴻漸山人採茶

皇甫冉

千峯待逋客香茗復叢生採摘知深處煙霞羨獨行
幽期山寺遠野飯石泉清寂熒燈夜相思一磬聲

送唐別駕赴郢州

皇甫冉

莫歎辭家遠方看佐罷柴長林通楚塞高嶺見秦城
雲向堯關下人從郢路迎翩翩駿馬去自是少年行

送陸鴻漸棲霞寺採茶

皇甫冉

採茶非採棗遠遠上層崖布葉春風暖盈筐白日斜
舊知山寺路時宿野人家借問王孫艸何時泛椀花

賦得郢路悲猿

皇甫冉

悲猿何處發郢路第三聲遠客知秋暮空山益夜清
啾啾滾重木噉噉入孤城坐覺盈心耳倏狀適楚情

尋陸鴻漸不遇

僧皎然

安陸府志

卷五上 五言律

七

移家雖帶郭野徑入桑麻近種籬邊菊秋來未著花
扣門無犬吠欲去問西家報道山中去歸來每日斜

謫居白沙阻雨

鄭常

漢陽無遠近見說過湓城雲雨經春客江山幾日程
終隨鷗鳥去祇待海潮生前路逢漁父多愁問姓名

昇僊橋

羅隱

危梁枕路岐駐馬問前時價自及朋得名因婦女知
直須論運命不得逞文詞執戟居鄉里榮華竟若爲

沔陽夜行

陸游

夜發沔陽驛坡陁岡早重月斜欹帽影霜重溼裘茸
野岸鳴枯葉煙林度曉鐘梁州明日到一笑解哀容

宿禪房院

程 邴

山庵極迴互禪房淡晦藏紅塵爽不到虛室自生涼
好鳥時孤嘒幽蘭靜亦香征車又

終恨世緣長

再宿禪房院

程 邴

作意尋蘭若重來是有緣眼前真是喜境熟故依狀
掃迹休論靜收心莫話禪廊虛剩看月照影枕書眠

又

安陸府志

卷三十五 上五言律

八

暫屏喧囂想東尋斷續香微風吹客袂孤月照禪房
靜起勞生念閒諧養性方欹眠不成夢夜久轉清涼

又

春蘭與秋菊各是一時花芳馥聊應爾淹留定自佳
客塵隨處有歸夢計程賒采采眼前物令人惜歲華

又

獻計憂不售迹形惟願淡老來銷外念閒處愜幽尋
晚艸媚遲景殘蟬噪暝林欲將詩遣興誰解此時心

送伯伯寧知沔陽

傅與礪

水郭春爲市沙邨夜種田雞栖桑雨外魚網荻風前
山獻荆人璞江通郢客船使幡當任過賓竿隔花傳

掇刀石

王格

雲長骨已朽石上劍還留可惜提三尺終狀困一州
巴天雖鼎足漢業未刀頭空使青龍氣尋常入斗牛

仲宣樓

王格

王粲歸中土高樓在下方登時曾有賦千載尚留芳
羈旅三分日辭華七子行英雄已淪沒南望一悲傷

遊隍城寺

王格

安陸府志

卷三十五 五言律

九

山形曲似城碧澗繞峯清鑿石開僧院排雲駐客旌
野鐘迎騎發僊酒雜花傾日晚桃源路村村記水名

遊太陽山

王格

山經谷見名一旦陟崢嶸樹杪雲霄近煙中江漢明
賓朋驚虎跡鼓吹雜猿聲試問庵居者平生亦未行

中秋同諸公多寶寺看月

王格

勝跡東林久中秋此夕逢盃簪依絳殿看月映青松
淨土珠輪轉空花玉露濃良宵殊未易無惜聽晨鐘

宿富水寺

王格

古縣今爲寺遊人偶解鞍
秋風吹客冷夜榻半禪安
孤殿圍青艸蕪城俯碧瀾
山僧供茗罷月映菊花殘

題海會寺

高秉文

出郭尋幽勝雙旌入翠微
溪聲寒漱玉雲氣冷侵衣
揚子人何在山荒芋正肥
願留俗士駕稅鞅暫忘機

玉泉寺

陳講

寺僻泉稠玉溪聲水渙文
洞門收惡雨谷口吐寒雲
長笛林邊落踈鐘花外聞
老僧閒未了榻穩臥斜曛

玉泉寺

張四知

安陸府志

卷三十五上

十

寶地何年結祇園此日逢
泉流飛瀑布埽勢湧芙蓉
野鳥來溪竹閒雲出遠峰
塵纓如可謝從此託孤蹤

蒙惠二泉

孫獅

璞玉耀荆山山根竇玉泉
有聲清出籟凝色碧於天
晚靜微涵月春晴淺浸煙
巖花紅影密啼鳥下沙湍

入沔

李慶陽

溽暑秋何減孤城水自環
人煙連勺外漁唱稻畦間
天濶翻低樹雲濛不在山
小舟能蕩槳共載夕陽還

晉門寺次韻

何喬新

鳴騶過谷口遙望梵宮深
拜節穿金澗看雲度碧岑
鐘聲晨出壑錫影暮歸林
坐覺諸塵寂悠厭水月心
由漢口入郢二首
吳國倫

漢水幾千曲飛流自隴西
到來雲夢濶翻覺楚雲低
積潦平江縣垂楊匝古隄
踏春遊女出髣髴浣紗溪
又

前山雨忽霽春色竟陵多
古登蒙丹壑平沙上白波
却醒神女夢來聽郢人歌
風物應畱賞飛帆莫漫過

宋玉墓

王世貞

安陸府志

卷三十五上五言律

十一

此地真埋玉何人爲續招
秋風弔師罷暮雨逐王驕
萬事才情損千秋意氣消
仍聞封禪艸遑恨右文朝
玉泉寺憇玉庵上人舍
陳文燭

石林依靜宇絕頂玉堪憐
鉢洗珠泉裏燈明鐵堦前
僧能談上界我亦指西天
蒸暑仍行役聊爲半日眠
南江橫練
陳文燭

不是黃牛峽還同白馬奔
驚濤絕漢水匹練下吳門
解珮風應遠浮萍跡尚存
當季擊楫者感慨在中原
靈福觀晨鐘
陳文燭

古鼎香初散
淡林鐘自鳴
宮商隨法鼓
風雨雜泉聲
浩劫何年造
登臨此日情
黃庭如可誦
從此學無生

送楊主簿之郢中

歐大任

綰綬寧親去
途知棒檄長
土風連郢沔
江色入沮漳
射鵰堂皇下
栖鸞枳棘旁
羣蔗新詔起
詎但似仇香

郢東驛

鄒觀光

客路憐今日
潘輿憶昔歡
有情尋薜荔
無計問芝蘭
恨葉繁如柳
愁波汎似瀾
惟來風雨急
征袂未能乾

和潘少府遊子陵寺懷古

劉侃

安陸府志

卷三十五上 古言律

十一

曾同黃屋寢
不拜紫泥書
明月無垂釣
白雲有卜居
名存漢鼎重
跡謝楚天虛
一自潘安賦
清風滿石廬

又

桐江一線水
石室幾函書
詞客尋幽壑
山僧識故居
空臺明月滿
古洞白雲虛
久被浮名絆
行當此結廬

又

斷碣猶遺篆
荒臺尚曝書
如何富春隱
更向楚雲居
白水交非偶
青山跡豈虛
何當隨五馬
相與問桐廬

遊觀音巖次座師吳堯山韵

王宗載

大士棲真處山泉淡水雲瀑流懸壁落梵響隔林聞
古木森晴靄新篁翳夕曛會心不在遠濠濮此中分

同羽士遊觀音巖

王宗彥

福地諸僊客清秋採綠薇泉飛晴壑雨雲作曉山衣
笑語崖聲應琴尊笠色圍悠悠白日靜蟬送夕陽歸

遊如意寺

李維楨

山色行相引秋光靜自優新秔黃覆壠遠笠翠黏天
路掛雲峰仄泉奔石罅穿上方鐘磬杳風度午炊煙

又

安陸府志

卷三十五上 五言律

三

地僻晝常陰流泉韻客吟笠將金作粟寺以石爲林
山月觀叅靜松風入夢淡無緣超俗累空此羨登臨

滴水巖

李維楨

相望東郊外行行亦自遙聽泉初得路墮石遂成橋
古寺畱殘照荒丘見野燒孤僧烹茗罷新月在山椒

玉泉寺

李維楨

策馬不能去徘徊雙笠間地偏芳艸合天迥白雲閒
開筵惟聞鳥閉門猶見山長松掛明月一鶴夜溪還

又

一榻分僧舍悠哉生遠心松雲春徑晦花雨夜堂深
露下銀河白山空玉宇沉三年匡阜月曾記宿東林

又

西成山盡好後此一峰幽水月心俱寂金銀氣自浮
嵐光晴不夜春色淡如秋雙頂青冥上孤雲任去留

如意寺

魏實秀

古道雙河遠崎嶇度筍輿鳥閒淡登寂僧定艸堂虛
竹雨清流逕花風紫過除空山隨喜遍頓使俗情祛

玉泉寺

栗聯芳

安陸府志

卷三十五上五言律

十四

堆藍還偃蓋滄海學丘陵水月三千佛空花五百僧
松濤晴聽雨石火夜燒燈老不歸真際寥寥何所憑

又

曲澗流泉自重巖野洞幽燈懸雙登曉葉落萬峰秋
冬至風常冽春來艸自柔那知生滅相無不是浮漚

遊青溪同度門

袁中道

儘有幽栖地堪怡艸木幸逢巖思結屋愛水欲求田
蒼蘚石蹊淨青螺壁影妍飛禽不知處猶自有樵煙

又

爲尋禽向侶閒逐老聲聞洞灑桃花墨石書竹葉紋
緩移康樂屐細玩郭熙雲安得常無事溪山伴鳥耘
正月四日紫蓋道中

袁中道

野客遊山興還隨春艸生近雲遮馬過遠燈照人明
西嶺眉如疊南田掌似平斷鴻零落甚伏有道林兄
遊龍泉胡文定墓

袁中道

長袖峰如折寒枝翳古丘徑荒麋跡亂階淨鶴翎留
風氣有時息松聲不肯休春王正月裏一盞酌康侯
題聖水寺

雷思濡

安陸府志

卷三十五 上五言律

十五

聖水何年寺溪山半夜鐘有僧開法席無地卽田農
天眼千山月潮音兩澗松僧來籠小栗爲說艸茸茸

過關王廟

楊洲

三國由來遠英雄跡未沉西風吹鴈過黃葉擁階深
山帶吞吳氣天知復漢心當平有邊恨憑吊欲霑襟
往花山雨宿途中

鍾惺

有約愧頻止猶賢竟不行各方云久霽月許到夏溪
風雨臨時事江山一歲情從來遊者理賢勿預期程

又

屢失清和日，丙言雨亦佳。良辰如可待，靜侶寔難侪。
有此秋冬感，彌深遊止懷。安知山澤候，妙不在陰霾。

玉泉謁關祠

鍾惺

義勇歸何處，虜狀向此中。始知真佛子，卽是大英雄。
丘壑延神理，機鋒豁怨衷。厭聞懷古者，祠下說孤忠。

夜觀蒙憲二泉

鍾惺

水從天一生，到地二泉并。深夜卽秋氣，初寒流月明。
幽靈如不隔，聲影敢相輕。燈燭散空迥，中舍風雨情。

羣山萬壑赴荆門

鍾惺

女陸府志

卷五十五言律

六

茲爲楚蜀門，喉舌古今存。陵谷於焉始，高低相向奔。
衆靈難自在，三峽爾何尊。也學江流下，滔滔歸一源。

入荆門卽事

張文熙

亂石紛於馬，連岡勢若奔。徑危低落日，雲豁見孤村。
忽散千林紫，迴光萬樹翻。客情方興劇，憑軾入荆門。

過郢中漚發園

譚元春

來是圍成後，冬心向此多。欲移藤作格，漸有竹陰坡。
步步邀誰笛，舷舷卽卽歌。空霜飛夜半，入水或增波。

夜飲楠木山竺

譚元春

夜爲羈心卜無拘事更添高閒相引出幽艷一時兼
半醉私藏跋輕寒始問簾麗人扶上馬亦借薄香霏
青溪寺雪中作

譚元春

溪雲常不斷雨雪自多端收得聽泉意分來衆嶺寒
煙凝成秀壁晴瀉作哀湍貪就山房息火邊逢逢懶殘
遊青溪寺觀濫泉上石洞洞爲龍女聽瀼處

譚元春

玉乳冬春一濫泉流匪今龜魚蒼蘚瘦猿鳥碧雲森
山色開宗衲溪聲續法琳杏花依洞法意欲襯青林

安陸府志

卷三五上五言律

七

觀音堂是先方伯暨太史公讀書處

王應翼

王父談經地科名弟與兄偶來尋舊跡不覺動悽情
石借蟠松老泉依密篠清僧歸期未卜門揜夕陽橫
天階閣

鄭友鉉

經因靜者正天向至人尊曠不營遊眺安非事館軒
翔空虛此坐掃地待無言昨日山頭見燈當候小暄

金泉寺

壁有王給諫詩

鄭友鉉

近家十里寺荒谷暗層層幽夢來東榻閒身隨短簷

晚山歸故鵲紅葉覆寒僧句有冬心積霜搜見汝能
竟陵西捨寺 鄭友鉉

月明雷電夜亭靜柳湖天眼徙深山後秋生遠火邊
影流僧與客波撼寺爲船井捨俱難問徒高佛國年

陸鴻漸祠

鄭友鉉

句無聖賢德血食古人羞箬裹克籩豆經聲代筑球
香光如不隔神趣自朕留何必譚禪後方向水因求

雨宿西塔寺

時典試楚闈
椒棘至此

黃景昉

雙湖舟十里一半是荷衣故遣穿林渚猶覽閉棘闈

安陸府志

卷五十五言律

六

驟寒烟養晦惟酒夕忘機隨意投林宿鐘聲何處微
又

款客不園堂禪房與野航歌從茶井過夢借藥燈涼
潦倒憑雙屐羈縻念衆香稽人復此雨愁費老僧糧

西塔寺

魯 彭

春湖入古寺晝雨對廬能徙倚論今咎長歌感廢興
清風隨掛錫白日好傳燈茶井西偏路提壺憶老僧

五華山白龍寺

魯 彭

野寺羣山合珠林古刹開水迎風氏國雲斷楚王臺

落日逢僊侶飛花到酒杯長安望不極臨佇獨徘徊
聖臺寺

魯彭

曉出聖臺路山中別一天曙光籠浦月流水帶蕪煙
鴈塔金光艸龍池玉井蓮詩成逾古堞回首思悠然

西塔寺和韻

魯嘉

我聞西塔院佛子亦多能萬有還虛寂十年說廢興
禪枝玉作登雪殿石爲燈冷落風湖夜相逢雲水僧

題西塔寺

胡承諾

巾江逢亂後西塔遂荒涼坐冷生公石林虛鴈宇堂

安陸府志

卷五上 五言律

九

天風吹古殿人跡響空廊薄暮湖烟起樓臺隱夕陽

登復州南樓故址

胡承諾

荒城逢燒劫遺堞問南樓平野滄浪水孤煙覆畚洲
片陰迎隴首微雨撥船頭行想錢員外心隨湖鴈留

秋夜宿雨花樓

譚如絲

何期塵世客共臥白雲端泉瀑晴疑雨山溪暖亦寒
蟲隨孤磬發風送一鐘殘莫厭杯中物林楓漸欲丹

滴水寺尋章晦叔

譚如綸

茅堂雖闢徑不與俗人通餘食施山鳥閒吟愛艸蟲

兒孫今日別雞犬異時同余亦逃名者相逢一夕中

高園

楊誌

野情終不厭乘曉理芳莖土渴受鋤淺泉乾抱甕遲
露花低壓帽風蔓軟扶籬有道存吾拙惟應圃者知

登報恩寺閣

沈文

梵閣憑城起長空縱遠眸鄧襄千里入江漢一帆收
色相諸天靜鐘鳴上界幽五雲重回首知是帝王州

玉泉寺

徐曠

曠遠江城北名山望已通稻澗千頃綠花發一溪紅

安陸府志

卷三十五上五言律

二十

晚照人行處春先鳥語中前村好問宿籬落霧濛濛

寒河

譚篆

谷口新春異閒居野興偏自從歸舊里真覺媿時賢
好雨青蔬潤初風帶柳牽登樓宜此日高吟是堯天

又

村舍門臨水溪魚亦暖遊倦飛回北鴈晴浴弄沙鷗
野徑滋芳艸春田散牧牛南湖初漲雨暇日間輕舟

入山贈碧公

譚篆

古寺臨殘照春風野氣昏谿田開麥浪石壁護雲根

白竹纔經嶺桃花又一村
季季寒食節瀑水灌山門

辛巳秋七月蝗

王吉人

兩蟲魯記異蔽野楚何繁
驅屢煩農計紛如藉寇也
詔嚴猶緩捕災恤許先吞
數畝耘荒意難同艸豈豎

又

梵宇空存腹傷禾殊未慈
書聞濤比壯怨入旆相隨
無雪依山滿因風墮水逢
巾牟如管令料及遲飛時

普濟禪場

張知松

禪林開跡遠幽逕宿雲濛
虎嘯橋成鐵牛眠石化金

安陸府志

卷三十五 五言律

十一

松風騰篆霧谷響送鐘音
客過僧偏喜月明猶聽琴

遊長慶寺

劉芝

結伴尋幽勝霜飛葉亂紅
逢僧塵若拂禮佛念先空

松靜啼鴉外山高睡鹿中
默狀依覺地午磬達秋風

過圓通庵

胡其恪

梵遠不聞音樓高壓晚林
鐘魚聲寂寂竹木響森森
劫律堆龕半殘題蝕壁陰
逃禪蕪晉在亟練醉時心

白谷洞

許琪標

幽響傳虛谷追遊曉露殘
無絃彈野鶴有語問秋蘭

瀑瀉千巖碧霞飛萬葉丹看花生僻徑尋向古雲灣
孫叔敖井 許琪標

歷落煙沙外尋聲悵霸圖續紛秋夜月蕭瑟楚宮梧
歌歇音猶競薪摧骨未癯氣懷優孟舞蒼露徧啼鵠
白雪亭尋梅 許琪標

零亂寒宵登來遊覓故叢神清偏耐月致緲獨臨風
空碧堆春苑浮香散榮宮椒蘭如可語湘瑟思何窮

又

荒茸探古榦連卷結雲根噴玉心猶冽牽蘿手獨捫
安陸府志 卷五十五 詩律 三

香銷宮粉汗夢惹鶴啼痕疑是羅浮客蕭疎欲共論

郢中寄齊安司馬張秀升先生 許琪標

風度誰偏好曲江別樣清麒麟堪入繪鸞鷲正蜚聲
鑑澈寒芒動笏堅真氣生遙知仙掌立定可濯金莖

又

豈必推平子十年著二京石書原異授枹鼓竟希鳴
不蹈谿山險常看天地清獻棋方丙夜曲奏覺聞笙
送郢司李史昌言先生赴部 許琪標

數載光風浹誰傳私淑心冷狀思刻羽颯爾欲披襟

道以蕭疎貴情因去任
深柏梁應已構重許聽高吟
多寶寺尋舊遊處

譚 渾

古登橋東路於今但夕陽
莓苔侵佛座鼠雀滿禪房
獨立瞑鐘下低回廢井傍
老僧無處問何事不羨唐

武臺

魏武帝曾屯兵於此

胡銘膺

寂寞雄圖久尚留此地名
屯師先慮險如鬼固知兵
斷谷深雲暗穿林返焰明
徘徊思古處巖壑異陰晴
遊滴水巖

王應箕

晴光澹未妍樹色露春鮮
客以山爲主魚看水是天
安陸府志

卷三十五上五言律

三

黍炊香積飯茶熟冷移泉
坐到清溪處松陰亦靄然
遊東禪寺

王 芷

蹟古名兼著遊蹤偶自西
友增蘭若重鷗止荻洲齊
再渡橋如識疎來路矯迷
登樓恣眺聽漁舫載歌低

鴻軒

吳 泰

尋幽探勝蹟懷古訪高軒
上客來張仲逐臣似屈原
花前誰解語蹊下本無言
惟有秋橋鴈年年錦字騫

聽雪樓

毛會建

卜隱來千里投閒借一枝
山銜樓影銳晴灑雪聲奇

傾耳幽蘭氣迎眸白玉姿欣狀成獨賞寡和復奚辭
又

小樓空外起白雪靜中聽芳豈何浚亂迴風乍竊寘
洛陽真傲物刻曲類忘形我有如澠酒當歌肯獨醒

聽雪樓疊前韻

毛會建

鄂中無限豎乞得何南枝山月隨時好溪雲到處奇
賦心畱玉甃詩興托冰姿寄語登樓者多攜絕妙辭

又

白雪歌安在憑君作意聽皋禽晴歷歷江豈雨宜寘

安陸府志

卷三五上言

十四

學道常通性怡情但委形季來多負俗且醉亦宜醒



五言絕句

卷三十五



漢江

宋之問

嶺外音書斷經冬復歷春近鄉情更怯不敢問來人

漢東樓

李白

彼美漢東國川藏明月輝誰知喪亂後更有一珠歸

漢濱梅

王適

忽見寒梅樹開花漢水濱不知春色早疑是弄珠人

荆門浮舟望蜀江

東方虬

春水自峽來浮舟望安極正見桃花流依然錦江色

安陸府志

卷三十五

五言絕句

夕次竟陵

張祐

南風吹五兩日暮竟陵城腸斷巴江月夜蟬何處聲

江行

劉長卿

行背青山郭吟當白露穉風流無雁米空吼古荊州

又

斗轉月未落舟行夜已深有村知不遠風便數聲砧

又

古木多思客搖落恨江潭今日穉風至蕭疎過沔南

蒙泉

沈傳師

京路馬駸駸塵勞日向深
蒙泉聊息駕可以洗君心
荆門和少谷韵
安 磐

鶯聲春欲醉青天一片心
荆門煙樹遠夢入楚雲深
石城暮雨
袁宗臯

纔登石城上雨打梧桐龜不堪
鄉思重直北是神州
龍山曉鐘
袁宗臯

山深野寺幽月落鐘聲早
遠度寒城來驚殘清夢曉
郢中勝蹟十絕
王 守

余撫郢時有客爲道郢中十舊跡者各賦短句以

安陸府志

卷三五

五言絕句

二

當卧遊

洗耳泉

揖讓良美名高士聞之羞潺潺澗水出吾欲枕其流

抱玉石

三州足堪憐十城價生色玉石原自分血漬石可泐

仙女洞

仙馭知何處粧臺香霧留白雲來洞口疑是鳳鸞遊

董仲符石

片石丹書舊千年翠色微相看明月夜猶道是支機

卓刀石

誓志屠孫曹遺恨裂毗髮石上青龍痕看取初三月

麥城

大厦將傾頽一木難為棟退守一孤城中原猶震動

孟亭

彼美風流度高歌白雪樓遺踪今在否明月白雲龜

洗墨池

李翱遺跡

賸有臨池興人稱協律郎至今蝌蚪跡猶帶墨痕香

白社

安陸府志

卷三五

五言絕句

三

編茅可為廬釀秫可為酒一訕一壺觴莫是滄浪叟

龍女祠

琳師朝說灋龍女躍濤瀧不着婆伽相千龜供灋幢

沅皋解珮

王世貞

人去佩亦去珮空人自空情知不嫵婉猶道有無中

莫愁樂

王世貞

遠渡碧桃花倚鞭白鼻騮客程無暇問先訪莫愁家

又

十萬作纏頭莫愁不肯留銀缸黯欲盡翻為莫愁愁

又

家家迎莫愁人人說莫愁莫愁歌一字恰恰印心頭

石城曲

石城諸郎子結束種種新眼角多留媚是儂昨夜人

又

廣陵細腰女嫋嫋栽一束不敢望同生一宵抱亦足

莫愁樂

項安石

冉冉水上雲曾聽屈宋鳴涓涓水中月曾照莫愁行

梳粧樓

黎

巽或作

安陸府志

卷三五

五言絕句

四

畫樓不可見寥落蘼艸荒鏡作空山月無人更理粧

慈雲方丈

黎巽

山頭一片雲山下一僧舍來往俱無心任爾遊人俗

玉泉山居

韋中道

小閣枕鳴泉青松覆峻嶺刁刁一夜風泉聲在山頂

題觀音巖

鄭友鉉

不以車馬道泉壑減幽蔚金門卧晏倩的的吐真氣

澄湖雜咏

胡承誥

北風吹我去南浦采蘆葦小艇無人擘便從浦上宿

又

菰蒲長深渌荇蔣肩清淺欲往問東家沿流免回轉

又

溪南逢釣叟溪北引山樵來往溪南北同時渡野橋

又

高柳藏溪口魚曾三兩架月中不見人水霧隱桑柘

南湖謠

譚 篆

弋夜清明雨南湖春水生溪深夾兩漿溪淺弄篙聲

又

安陸府志

卷三五

五言絕句

五

湖入野田水遊魚爭上流開船慣打網到岸潛垂釣

又

不耕郭北地不駕浮梁船關稅十分九里正橫索錢

又

不愛楚田美但望楚水深水深魚得聚水淺傷魚心

遊乳窟見小修韋公隱處

正 誨

乳窟臨溪水雲飛六月寒人來蒼翠裏處處見公安

仲宣樓故址

聶登第

東景已西馳南橋懷北鳥空憐倒屣迎疇達薦剡表

郢中雜詠

許琪標

操蘭疇谷心散作龜風引相約渡橫江芙蓉開莫盡

又

古道蒼涼早籬花如曉風殘英不肯落龜氣漏庭中

又

夢入花源裏雲深意轉親瀟湘連夜雨莫遣到離人

又

妾心疑湘水君夢到巫山仰見雙飛翼晨昏共往還

安陸府志

卷三五

五言絕句

六

五言排律

卷三十五

侯使石城驛樓

張九齡

山檻憑高望川途
激北流遠林天翠
合前浦日華浮
萬井緣津渚千艘
咽渡頭漁商多末
事耕稼少良疇
自守陳蕃榻嘗登
王粲樓徒狀騁目
處豈是獲心遊
向跡雖愚谷求名
異盜丘息陰芳木
所空復越鄉慕

陪張九齡祠紫蓋山遊玉泉寺 孟浩狀

聖秩宣王命齊心
待漏行青衿列冑
子從事有叅鄉
五馬尋歸路雙林
指化城聞鐘度門
近炤膳玉泉清

安陸府志

卷三十五上

一

阜蓋依巖憇緇徒
擁錫迎天宮上堯
率法界豁幽明
欲就終焉志先聞
智者名人隨遊水
汲山類覆舟傾
想像若在眼固沈
空復情謝公還欲
臥誰與濟蒼生

寓燕門上張丞相

孟浩狀

其理分荆國招賢
愧楚材名南風更
闡丞相閣還開
靚止欣肴饗沉滄
拔州萊坐登徐孺
榻頻接李膺杯
始慰蟬鳴稻俄看
雪間梅四時年籥
盡千里客程催
日下瞻歸翼沙邊
厭曝腮佇聞宣室
召星象復中台

聽郢客歌陽春白雪

歐陽袞

寂聽郢中人高歌已絕倫
臨風飄白雪何日奏陽春
調雅偏盈耳聲長杳入神
連連貫珠並裊裊迥雲頻
度曲知難和凝情想任真
周郎如賞善莫使滯芳晨

沔陽紀俗

李廉

嶼郭瀟湘曲風流自管稱
家家住水閣日日下漁罾
雲溼常垂雨湖寒未見水
風微鷗戲藻沙靜鷺銜菱
翎羽克王貢魚鰕入歲徵
蓮初秋竟泛竹檻晚堪凭
陸羽風如在靈坊恨不勝
漢唐兵未到吳楚勢相乘
地僻逢迎少江清賞宴仍
羔羊懷漢詠琴瑟對魚燈

安陸府志

卷三十五 五言律

二

放柁初猶怯垂綸近亦能
疎狂叨守牧高興益峻嶒

靈申過玉泉寺

李長春

祇樹晚陰森山空碧靄沉
疎鐘流夜壑孤塔控雲岑
颯沓泉飛玉清涼地布金
繩燈侵月出蓮漏隔花淡
忽悟浮生夢難禁出世心
淨緣如可結長此共招尋

觀音巖別李本寧

王世貞

勝地停車得離筵載酒勤
巖飛四時雨樹鎖一溪雲
似俗輒持滴疑將梵唄聞
艸成瓔珞相石作貝多文
催舞雞三唱驚棲鵲數群
潮音喧寂改曙色去雷分

戀戀飯慈氏沾沾御李君秋山如有意積翠轉氤氳

再遊子陵寺紀興同田隱君

劉侃

端居寡所適于野一舒容獨過田文欽兼于惠遠逢
以備芳艸合崖靜落花封燈覽欣從衆耕桑喜及農
風清殿子瀨雨過聖人峯帝井星光爛龍池柳色濃
洞開石齒苔山削玉芙蓉谷響淡千尺嵐陰率十重
高僧應卓錫聞我得扶筇松下烹團鳳林間剪繹龍
笑譚管逸興轉盼卽成蹤海燕將還壘陽鳥欲下春
悠朕歸騎發萬壑度疎鐘

安陸府志

卷五十五言排律

三

遊玉泉寺僧談征調供億之苦

李維楨

徑曲泉能遶山迴寺忽逢舟誰藏大壑玉自削羣峯
翠壁蒼苔淨丹崖紫氣重登高窮下界選勝擬南宗
梵宇隋唐構伊蒲楚蜀供嵐沉不辨塢風定一聞鐘
登古魯栖鶴溪淡尚臥龍殿陰寒薜荔簷際墮芙蓉
蘇刺生金碣藤牽化石松天花春已登雲碓夜猶春
藻井纏蟲網珠林過虎蹤傳燈遙乞火伐木近支筇
問道無開士營身亦老農飯牛依磬鉢牧豕辦租庸
酥酪清齋少袈裟俗禮恭歲當戲鑪後地扼往來衝

上客頻傳食空王豈素封攢眉今夕酒蓮社暫相容
九日至玉泉與夏居易登覽宿於寺

鍾 惺

人生重九日幾度集高溪下馬登臨事出門山水心
并未回節物善息就森沈積缺存文質寒鐘臥古今
月遲終一照源幻異初尋澗晚多精感林秋寡近音
遊人皆此賞靜者自朕欽幽聽虛無盡巖星響碧陰
聚義樓落成步韵

劉翼孫

忠義於今烈封疆萬古遙廟祠憑險塹丹碧煥層霄

安陸府志

卷五十五 五言排律

四

火運雲煙盡金刀政布昭神機屈策力聖德助軒姚
轉戰鬚髯戟勞羈髀肉消豈甘割鼎足直欲攬魁杓
二表血堪瀝三軍慘不驕逸哉西益剖偉矣中山條
生面開楹桷遺威鎮斗鐮賓游誇彥會詞賦壯興朝
輕陋橫汾曲弘長流俗標竟如書越絕不復誦原招
多士尺而祝群兒笑且謠嚴城傳命啟歸路擁笙簫
石城送李太守子象北歸

許其標

數載高涼意不因物候夏煙雲分竹砌風雨共蕉聲
乍有龍文見奚堪鴈序驚路岐良可惻絲變孰勝情

歷落看江水低徊望石城
時復菴先生
賡志而述
遜失南林曙單移
非道旌愴焉思獨結

沆瀣連朝氣晴霞擁石城
儒宗新應邇淹雅舊知名
源溯濂溪水歌傳白雪聲
星雲原間出琴鶴正偕行
颯爾生雄思冷狀見定情
李庭懸鏡徹孔笏擊氛清
有造功斯偉無言蹊自成
澄襟凝作露高韻夏聞笙
金粟苞奇質紫芝結異英
南邦看蔽芾非道動干旌

呈郢司李周霖公先生

許琪標

安陸府志

卷三十五

五

爲愛冬之日猶思識是荆
繡本誠願切重與誦崧生

郢中郎事爲張使君作

許琪標

受書探奧笈樂道跋飛僊
磅奇姿結菁葱佳氣傳
定堪披繡鞞寧獨紀凌煙
京兆威稜峻曲江風度妍
革頑看佩解廣視識帷奉
增秩符三錫加駢卜九遷
義方爰溯本淵塞更齊賢
丹藻琳瑯振紫泥馥郁宣
遂酬蓬矢志乃薦上池泉
綺里芝莖濯緱山鶴羽翩
金文籠寶篆清瑟協朱絃
嘉客良辰轉流徽奕葉綿
龍媒繁有種閭苑浩無邊
日寓尊生理懷締出世緣

陽春光不歇絃管播新編

安陸府志

卷三五上 五言排律

六

七言古

卷三十五

漁父

岑參

扁舟滄浪叟心與滄浪清不自遣鄉里無人知姓名
朝從灘上飯暮向蘆中宿歌竟還復歌手持一竿竹
竿頭釣絲長丈餘鼓棹乘流無定居世人那得識溪
意此翁取適不取魚

王昭君

李白

漢家秦地月流影照明妃一上玉關道天涯去不歸
漢月還從東海出明妃西嫁無來日燕支長寒雪作
安陸府志 卷三十五上 一
花娥眉憔悴沒胡沙生乏黃金柱圖畫苑留青塚使
人嗟

郢州西樓吟

郎士元

連山盡處水滌迴山上戍門臨水開朱闌直下一百
丈日暖遊鱗自相向俗人愛險閉層城今人愛閒江
復清沙洲楓岸無來客草綠花紅山鳥鳴

六羨歌

陸羽

不羨黃金壘不羨白玉杯不羨朝入省不羨暮入臺
千羨萬羨西江水曾向竟陵城下來

荆門路

王建

江邊行人暮悠悠山頭殊未見荆州峴亭西南路
多曲櫟林澗澗石鏃鏃看炊紅米煮白魚夜向鷄鳴店
家宿南中三月蚊蚋生黃昏不聳人語聲生紗帷棘
薄如霧隔衣鑽膚耳邊鳴欲明不待燈火起喚得官
船過蠻水女兒停客茅屋新開門掃地桐花裏犬聲
撲撲寒溪煙人家燒竹種山田巴雲欲雨薰石熟麋
鹿過江蟲出穴大虵過處一山腥野牛驚跳雙角折
斜分漢水橫千山山青水綠荆門關向前問箇長沙
路舊是屈原沈溺處誰家丹旄已南來逢着流人從
此去月明山鳥多不棲下枝飛上高枝啼主人戀遠
心不憚羅衫卧對章臺夕紅燭交橫各自歸酒醒還
是他鄉客壯年留滯尚思家况復白頭在天涯

過荆門歌

李紳

荆江水濶煙波轉荆門路遙山葱蒨帆勢侵雲滅又
明山程背日黃昏見青青麥壠啼飛鴉寂莫塗徑棠
梨花行行驅馬萬里遠漸入煙嵐危棧賒林中有鳥
飛幽谷月上千巖一聲哭腸斷思歸不可聞人言恨

魄來巴蜀我聽此鳥祝我魂死勿學此聲銜冤縱爲
羽族莫栖息直上青雲呼帝聞此昔山月如銜鏡巖
岫參差互輝映皎潔深清入澗泉分明細見樵人逕
陰森鬼廟當郵亭雞豚日宰聳羶腥愚夫禍福自迷
惑魍魎憑何通百靈月低山曉問行客已酌椒漿拜
荒陌惆悵忠貞徒自持誰祭山頭望夫石

往丹陽尋陸處士不遇

僧皎然

遠客殊未歸我來幾惆悵叩關一日不見人繞屋寒
花笑相向寂寂寒花徧荒阡柳色蕭蕭愁暮蟬行人
安陸府志

卷三五

七言古
上

三

無數不相識獨立雲陽古木邊鳳翅山中思古寺魚
竿村口望歸船歸船不見見寒煙離心遠水共悠然
他日相期那可定閒僧著處卽經年

常林歡

溫庭筠

唐書樂志曰常林歡疑宋梁間曲宋梁之世荆雍
爲南方重鎮皆皇子爲之牧江左辭詠莫不稱之
以爲樂土故隋王誕作襄陽之歌齊武帝追憶梁
簡文帝樂府歌云分手桃林岸送別峴山頭若欲
寄音信漢水向東流又曰宜城投酒今行熟倚鞍

繫馬暫棲宿桃林在漢水上宜城在荊州北荊州
有長林縣江南謂情人爲歡常長聲相近蓋樂人
誤謂長爲常

宜城酒熟花覆橋沙晴綠鳴鳴交交穠桑繞舍麥如
尾幽軋鳴機雙燕巢馬聲特特荆門道蠻水揚光色
如草錦薦金爐夢正長東家咿啞鷄鳴早

帝星井

無名氏

帝星胡爲落此間豈非此有子陵山蒼蒼珉井一百
丈至今深夜光芒寒楚老相傳是陳迹斷碑摸索苔
蘇班往事恍惚不可問青山流水空潏潏

安陸府志

卷三五 七言古

四

白雪樓

王安石

析楊黃華笑者多陽春白雪和者少知音四海無幾
人况乃區區郢中小千載相傳始欲慕一肯獨唱誰
能曉古心以此分冥冥俚耳至今徒擾擾朱樓碧瓦
何幸有椽桷連空欲驚矯郢人爛熳醉浮雲郢女參
差躡飛鳥丘墟遺響難再得欄檻茲名誰復表我來
欲歌聲更吞石城寒江暮雲繞

莫愁歌

周竹坡

蓮花淡紅蓮葉綠平沙月上鴛鴦宿青腰三板蘭作
梳月下莫愁歌一曲移舟入花花轉淡花淡調苦難
爲音江邊夜半誰爲語只有嬋娟知此心露花漸白
月漸午刺舟自覓來崑崙明朝繫纜柳邊門却在夜
來潮落處

竟陵簿謝保

黃庭堅

謝公文章如虎豹至今班班在兒孫竟陵主簿極多
閒萬事不理專討論澗松無心古須鬣天球不琢中
粹溫落華塵沙百馬奔劇談風霆九河翻胸中恢疎
安陸府志

卷三五上七言古

五

無怨恩當官持廉且不煩吏民欺公亦可忍慎勿驚
魚使河渾漢濱耆舊今誰存駟馬高蓋徒紛紛安知
四海習鑿齒拄笏看度南山雲

白雪樓

滕宗諒

白雪樓危壓晴霓樓下波光數毛髮雕甍刻桷出煙
霞萬瓦參差鵬翼截蘭汀蕙浦入平蕪天遠孤帆望
中滅屈平宋玉情不盡千古依然在風月漂零坐想
十年舊歲月飛馳爭裂缺青雲交友夢魂斷白首漁
樵誠契結安居環堵袁安老泣抱荆珍卞和刑折楊

雖俚亦知名猶欲樓中賡白雪

郢州白雪樓

梅詢

楚之襄王問宋玉玉嘗對以郢中歌歌為白雪陽春
曲始唱千人和再唱百人逐至此和者纔數人乃知
高調難隨俗後來感慨起危樓足接浮雲聲出屋曲
中古意世應希惆悵鯉魚孟諸宿樓傾瓦覆春又春
酒瀉琉璃烹錦鱗青山繞檻看不盡眼穿蕩漿石城
人管人一去不知處寒花雨歛自生嘔今聳太守新
梁棟試選清喉可動塵

安陸府志

卷三十五上七言古

六

諸葛武侯書臺

陸游

沔陽道中草離離卧龍老矣空遺祠當昔典午稱猾
賊氣喪不敢當王師定軍山前寒食路至今人祠丞
君墓松風想像梁父吟尚憶幡然答三顧出師一表
千載無遠比管樂益有餘世上俗儒寧辨此高臺當
日讀何書

荆門州

沈鍾

荆門道路阻且修荆襄南北當咽喉乘傳往來絡繹
無肯休我來適值山木啼鉤鵬但見高原下隰一

萬頃麥浪浮天控訴天知不願天十日不雨而暘
立俟萬雲收比及季來三不秋十室九餓迺而流賣
兒鬻女骨肉相仇讐歸來收麥聊爲身家謀會哺鼓
腹歡以謳俯仰穹壤夫何求嗚呼我方素餐而飽徒
包羞爲渠樂其樂與憂其憂不然視若風馬牛而我
一斯世之綴旒已焉哉厥咎將誰尤

自承天進船暮至潛江寄郭舜符

高叔嗣

漢渚雨聲深日暮愁客心楚山雲霧多其奈客行何

安陸府志

卷三十五上七言古

七

峩峩登岸攬風物徃徃張帆去趨忽泱泱江流雨止
添蒙茸春樹日催發茲行豈是乘桴意欲遣虛舟隨
所至生季本自江海人終朝遂諧魚鳥事投札鄉園
報所思攀芳欣及仲春峩頓忘異國勞行役但闕同
心廢賞期

放鷹臺

王越

妖狐狡兔兮眠荒臺秋草秋風兮鷹不來我思楚王
兮安在哉

復州故城謠

潘子安

陰風生紙錢空掛墳前樹墳上荆棘穴狐兔燒場禾
冷煙未消棄骨如銀滿行路金尊酒盡且須賒莫遣
愁霜著鬢華鶴歸華表空明月燕入烏衣又落花神
僂狡獪矜長壽安期彭祖今何有可憐羸政訪蓬萊
採藥未還聳鮑臭請君試聽故城謠峻宇雕墻徒爾
勞

結交行贈李沔陽

李夢陽或作薛瑄

古人結交如種稷今人當路栽荆棘世間萬事各有
極人生何必相傾仄君不見李沔陽五馬昨朝天天

安陸府志

卷三十五上七言古

八

冰地裂衝寒煙三月不遇見天子歸途因頓心憂煎
南行波濤值洶湧蛟龍失勢龜鼉踊留滯聊栖梁孝
臺醉歌直據侯羸塚却憶當年侯未鬚識者盡道驛
駟駒落筆遽掩羽獵作挺身遂上青雲衢百戰不侯
李廣辱一麾出守延之吁峽霧光射卞和玉月明泪
迸鮫人珠李沔陽汝無學雲夢吞亦莫效江南京六
韞挽車日月輸萬里簸蕩風沙開棄君舟楫埋銜轡
有八物色騰驥材

詠羊左

李東陽

山溪雪寒路坎坷兩苑何如一生可桃才自信不如
哀君若有功何必我楚王好士得燕才燕家夫築黃
金臺當告周室何為哉吁嗟乎樹中讎死安定城何
似西山採薇食

題關將軍四畫

三世身

轅門黑燻草頭靡漁陽突騎俄已矣若然一擊如裂
兕刀纓絰髮鋒血洗白馬城頭鼓初起北人魄奪南
人喜交州冀州兩國賊委質酬恩竟誰是有身終為

豫州苑 馘顏良

安陸府志

卷五十五

九

鯨波漲天天為赤黃致我欲城七軍肉臭魚不
食于侯吞聲聖侯掩爾屍七尺殉漢賊若眼小兒黠
于龜麥城將星忽中墮高廟神靈扶不得有血還作

西川碧 破七軍

金戈翠旗晡靄中忽有赤驥騰龜空山都木客爭趨
工駢石白象鞭豐隆幻出七寶須彌宮有為之跡無
為功永寧同泰虛爭雄可憐南北民力盡一炬贏得

都城紅 創玉泉

鼎湖龍髯又上天妖魄再作修吳越書意

穿彼髯何為扼我咽
玄女再授軒皇權
七家鏟削沉青煙
寧惟留人脂其口
度支歲歲饒金錢
一奠北鹵三千季

平虫尤

晚登陽春臺

唐志淳

晚登陽春臺
騁望極千里
長風六月寒
落日衆山紫
上有白衣蒼狗之浮雲
下有蒲桃潑醅之漢水
水流爲我駛
雲浮爲我旋
楚曲一去三千季
秦絲兗管鳴
鼉鞀我有小梅唱
昔昔捺越音
調短不及古
豈堪郢人心
安得招謫僊
揮手凌紫煙
大呼江水變
春酒醉安陸府志

卷三十五上

十

引明月來青天
頗懷廣門隱
欲畊雲夢田
便從此地作農夫
登臺爲奏幽風篇

陽春曲

宗臣

春花燦灼春月明
朱唇玉頰揚哀聲
淒淒切切動君情
動君情得君悅
流青雲飛白雪

黃平倩至玉泉以書見要倍道趨之馬上感舊有作

袁宏道

曉枕濃和發清嚏
知是家人呼我字
翩然一鶴自東飛
銜得巴江歲子至
蠟花滿幅堆明巒
要我共踏青

溪翠怒帆一掣截長波馬不待鞍捶以轡頽藍疊綠
瀉平田纈林稠葉點青膩當時京國好兄弟謝堂佳
月城西寺幾年拋沒嘆吹雲又作飛鴻留爪地老去
怕逢綠熟人夢回每說金華事欲知銷折幾番心看
我衣衫重疊泪

五月十三日玉泉道中

袁中道

千山萬山雨忽至大珠小珠溪裏沸此是關公洗刀
雨霑身也帶英雄氣疾雷先雨雨如露停車且認玉
泉樹志士竒窮避地峕將軍血戰灰心處

安陸府志

卷三五上 七言古

十一

吉祥寺松下夜歌和友夏

鍾惺

報國松勝靈谷松拳竒屈曲如巫峰物神徃徃失本
形益影濤聲皆已庸苟不覺形直取意今見此松貌
亦恭是峕宜月特不月有意幻昧其聲容一枝每具
一正壑風泉蓄泄如未落以此髣像報國松辟置盆
石當五嶽

玉泉寺鐵塼歌

鍾惺

五金惟鐵最愚劣化爲浮圖萬象列立山水中精神
孳瘳幹高莖疎其節日星散氣冰霜結佛數恒沙萬

生滅鮫人出波鱗介別商周墨玉漢凹凸似非鑪冶
出鐫鏤卧蠶盤螭不瑣屑元氣淋漓取精竭阿育之
鉢藏敢泄鬼物司之莫能竊其中出入風雷截流出
峨眉神僧掣關係運數汗隆閔匿光送影大地閉摩
挲情文耳目悅如几案間可擺撤巨細靈頑理難繫
勿云巧力傷樸拙請循其本仍古鐵

隋大業十一季鑊歌

鍾惺

大哉形神相亭毒金鐵斯壽衆形促若將神氣視金
鐵金鐵猶爲有形屬大業之鑊到于今水火退盡存
安陸府志

卷三五上

十一

者金以置佛前配古塔後人不信爲釜鬲天道三十
季一變後火前薪不相見一鐵萬古此聲色宛對鑄
者刻者面自唐以後諸不朽有此鑊昔皆未有吁嗟
形及能不化不以精廉爲近久

雨宿青溪山家

譚元春

行近青溪猶夢溪溪鳥出溪數里啼主人細雨自同
心濕雲下山松桂低雨不停絲嵐新篩灑灑怒增空
崖力明朝新鬢猿出迎昨日緇流探消息

青溪春雪引

譚元春

入山看山養毛羽古泉飛作一潭雨曉起山靈幻巖
壑吹雨作雪融膏乳亂煙斜霧封辟岫添塞著艷心
如畫不知何峰有樵徑青帝縹緲龍女瘦萬白光中
分翠微其中新柳碧依依山家拄杖撥春麥田禽饑
出肩輿飛鬼谷相近吾不往洞口雪花大如掌

玉泉鐵塔歌

譚元春

治人爲治道技徹神奇可以救頑鐵瘦硬清老鱗
鱗纈雲風起手波濤結漢玉漢製鑪性滅真宰嵌空佛
流血半山雷雨試危貌層層天眼瞻矇矓古苔難生
安陸府志

卷三十五上七言古

十三

蟲虛嚙水鶴銜泉巢鳴咽俯臨隋鑊氣精覈自忘其
高若同列因思古人意想別金石土木無妖孽神之
格思焉敢褻

隋大秦十一季鑊歌

譚元春

鑊方鑊方不復鑊方以之藝香大損沈水以之煮泉
將苦提攜其放置于山水車馬之間者使夫過而問
仰而思念唐以後之古人後此鑊生先此鑊朽而因
是以發深省而悲啼

築堤詞

胡承諾

民間有堤官催築揣量新堤高陵麓可憐墮竹牽茭
昔官爲民兮堤上宿吾人不曉山川位苦憇筋力營
不易藜羹不糝禍不完不堪歲月水爭地今季春水
恰盈灘堤上畚鍤聲盡歡不俟他郡強抑配行賈君
送淚闌干

詠蘇村古柳

張應斗

滄浪水淺虬雲老瘦龍幻影奔蒼昊手植何人何歲
年繆結虵盤勢如倒東枝夭矯礙扶桑西枝滅沒白
榆杳昔宿雷霆震鰲極肯容遊冶攀鶯黃齧霜漱月
安陸府志

卷三十五

十四

苔門綠坦腹懸瘦敞華屋中當環飲數十人把酒無
從問空谷龍門百尺桐無枝乾陵恠栢徒妖姿靈楓
羽人杳何處老松白鶴誰題詩我獨愛此支離叟大
椿爲妖樗爲壽風雨雖多少斧斤桃李容華豈堪久
太守來看屏輿從十圍不比金城種平山堂前日月
長從此蘇村入歌頌

松園

胡銘鼎

僊人種桃古洞邊花開暗引漁父船世人亦種在塵
境復引僊人暫留連晉時僊凡遞來往似以桃花爲

因緣桃枯園廢陵谷徙何年此地作城市中夏土薄
種不生晉後人民幾番炮遺跡莫誌事猶傳疑信指
點東郭烟于今我亦策蹇到但見風塵撲市廛欲尋
種花地冥茫費擬議武陵樹何如此處空闕肆今人
不種桃亦無神僊至

西池篇

許琪標

郢大守李復菴先生構吏隱堂於署西偏鑿池其
中引井泉灌之周遭雜樹竹卉夏蠶之際蒼翠交
橫昔見游鱗隱映鳴鳥相依恍然在濠濮間也作

安陸府志

卷三十五

七言古

十五

西池篇紀之

西池選勝立蒼竹袖迎涼颺聲謾謾瀉懷水玉淨無
塵修鱗上下相嬉逐青葱掩映疑蓬瀛不須虎頭圖
蒲幅分來拳石真嶽竒井泉飛溢成布瀑閒情問鶴
與調絃竒書森羅盈萬軸置身好向雪堂邊更引匡
廬同棲宿僊吏銷萌和衍生寧煩郊壘憂集蓼賭墅
推枰蕉影動劒鋒摧作犁雨犢借問刺史何能然蟄
者使翔猛使伏却恃此中遠俗囂餐英奚待求其谷

京山懷隱居

許琪標

南山寂歷僻人居昏曉雲光卷復舒碧瞳龐眉能跂
余持贈憶有雙金魚猛火烈烈將焉如思鋤白石理
園蔬龜草綿芊隴上廬松間明月影扶疎尚矯首兮
相躊躇簪以薜荔撫皇初

蘭臺吟贈城守宋越菴

許琪標

地是蘭臺古名勝大夫可與對襄王雄風吐納襟帶
間掛弓宛若在扶桑和歌寧止陽春曲緩帶輕裘足
擅場試看烏林棲萬戶不驚枹鼓度清商閒來亦句
工嫵媚梅花作賦何芳香獨恐半臂難虛受此際搖
曳思如狂但使丹還堅遣力濯姿應向藐姑傍晴日
笙聲知奏徹將來袍笏定盈床

七言絕句

卷三十五

龜下荆門

李白

霜落荆門煙樹空
布帆無恙掛龜風
此行不為鱸魚
鱠為愛名山入剡中

寒亭

在荆門
玉泉山

無名氏

朔風凜凜雪漫漫
未是寒亭分外寒
六月火雲天不
雨請君來此凭欄杆

昭君

無名氏

夢裏分明入漢宮
覺來燈背錦屏風
紫臺月落關山

陸府志

卷三十五
七言絕句

曉腸斷君恩信
畫工

白雪樓

白居易

白雪樓中一望鄉
青山簇簇水茫茫
朝來渡口逢京
使說道煙塵近洛陽

荆門行鷄鳴谷作

王 建

峴亭西頭路多曲
櫟林深深石簇簇
看炊紅米煮白
魚夜向鷄鳴店家宿

莫愁村

李商隱

雪中梅下與誰期
梅雪相兼一萬枝
若是石城無艇

子莫愁還自有愁時

漢江

杜牧

溶溶漾漾白鷗飛
綠盡春深好染衣
南去北來人自老
夕陽長送釣船歸

漢江弋帶碧流長
兩岸春深鎖綠楊
借問膠船何處沒
欲停蘭棹祀昭王

惠泉

孫僅

孤城深鎖亂雲間
城上雲開面面山
負郭惠泉誰共訪
衛公詩碣綠苔斑

安陸府志

卷三五

七言絕句

惠泉

劉次山

水湄山麓敞名園
地占虛閒若洞天
太守公廉著名節
惠泉時酌勝貪泉

過石城二首

王之望

滄浪渡口莫愁鄉
萬頃寒煙水落霜
珍重使君留客意
一樽芳酒醉斜陽

江上危亭思黯然
追歡陳迹欲經年
別來西望應相憶
郢樹荆門共一川

普門寺

徐恪

殿倚巉岼最杪巖斷峯晴與白雲連山僧記得梁王
事爲道興衰式惘然

石城

胡曾

古郢雲開白雪樓漢江還繞石城流何人知道寥天
月曾向朱門送莫愁

玉泉寺

孔克孝

紫煙深鎖覆船峯泉眼飛花漱玉龍日午禪堂僧飯
罷隱然天外數聲鐘

報恩寺二首

唐志淳

安陸府志

卷三十五

七言絕句

三

繫馬柴門訪佛宮常時未到只聞鐘怪渠丈室清無
著鉢裏奴來化雨龍

古塲名傳白乳師無多寮舍可棲遲芭蕉葉大筍成
竹芳艸滿塔僧定時

雨後自當陽赴玉泉寺

李維楨

綠樹村村初霽雨籃輿步步欲凌煙東風芳艸看如
此流水桃花若個邊

和罷郢歌飛白雪望來蜀道上青天荷衣不礙絰塵
染自何山中浣玉泉

莫愁村集唐音二絕句

李維楨

羅綺晴騎綠水洲芙蓉花外夕陽樓樓中日日歌聲
好不及盧家有莫愁
清江弋曲抱村流南國佳人字莫愁此地從來可乘
興酒杯無日不淹留

李留守挹漢亭

李維楨

祭戟高臨漢上城戈舡間作酒船行煙波故是天河
水輓向中原洗甲兵

風來蘋末雨初過便坐開罈挹綠波日暮諸軍分飲

安陸府志

卷三五

言絕句

四

馬陣形爲鵲復爲鷓

鴨頭新綠浪花勻絕似葡萄甕底春不必葦醪投嚮
士春光誰是獨醒人

水對千重澹夕煙中庭明月一方懸凭欄耐可舒清
嘯不減南樓理詠年

西第新亭勝若何接天清漢抱城過試將匍瀆供行
酒部下應呼卷白波

石城城下漢江流雙槳遲遲送莫愁鼓吹盡翻新樂
府當筵醉殺冠軍侯

送孫工部守郢中

沈子木

頻年茂績紀仙曹
文藻江山曠代豪
一日輜車過楚
澤只今郢雪誰許操
翩翩五馬出長干
迤上芙蓉夾道看
耐可紅亭揮手
處紅雲一片擁雕鞍

陽春煙樹

王慎修

微茫苑樹接青山
臺麓雙龍白晝閑
一自郢中歌寡
和祇餘春色到人間

白雪晴嵐

王慎修

安陸府志

卷三五

七言絕句

五

嵐光日夕弄晴暉
亭傍觚稜入翠微
羸得仙郎歌古
調時時白雪向人飛

石城春雨

王慎修

疊石重岡睥睨雄
參差鳳闕紫雲中
江聲送雨千林
急暮色看來自楚宮

蘭臺午閑

王慎修

山作芙蓉面面開
五雲縹緲見層臺
大夫休沐披襟
處挹得雄風共艸萊

龍山曉鐘

王慎修

月落平林曙色分上方鐘動翠微聞却驚龍卧虛空
起千嶺亂氣吐白雲

僊橋夜月

王慎修

星橋百尺彩虹飛月色波光兩映輝不見仙人來鶴
馭凭欄清露溼沾衣

莫愁古渡

王慎修

縈迴漢水漫春波畫槳紅粧不再過花發尚餘當日
笑鶯啼猶聽昔年歌

漢臯別意

王慎修

安陸府志

卷三五

七言絕句

六

夕陽帆影共徘徊珠珮無人解贈來欲識愁腸誰得
似江流曲處日千迴

普門寺

鄒觀光

夜深風雨叩柴關燈火蕭蕭梵貝閒客厭驅馳僧厭
寂不知何地是真還

漢臯別意

鄒觀光

征帆初下碧煙波極目龜空柰若河惆悵弄珠人不
見相思忍聽莫愁歌

過當陽信宿尋見龍山房

劉楚先

旅館霜空月倍明
丹楓搖落夜烏驚
無端漫作羈栖客
愁聽山城漏五更

贈張適道

呂本中

聞道復州賢太守
只如前在武昌時
相逢未說爲州樂
所至先傳喜雨詩

柳口樵歌

費尚伊

碧柳盈堤颺遠空
樵人斤斧往來通
歸途近晚歌聲發
半在村煙野燒中

丙穴釣龜

費尚伊

安陸府志

卷三五

七言絕句

七

閒向秋風理釣船
停撓多在綠溪邊
蘆洲荻岸魚偏美
只索投竿不用錢

歸經玉泉

鍾惺

猶是山中九月秋
來時流水夜中幽
泉聲不在有泉處
曾向林蟬嶺月求

歸經蒙惠二泉

鍾惺

始見山前允滿林
泉流秋氣日邊深
依然寒照此流水
再踏孤光何所尋

襄河權歌

十首之六

李漁

襄河兩岸石楠花
絳萼青稍照客槎
春風吹漿郎休
駐野艷令人忘却家

宜城桑落碧醪香
郎過宜城莫繫航
最怕春風蕩心
處當壚調瑟楚名娼

襄川斜繞石城流
郢上磷砢白雪樓
郎船若過聊停
權爲問當年盧莫愁

竹緤連筏下三巴
郎到三巴早念家
庭前桃對郎親
種郎去無心去看花

石灘沙岸古襄河
郎在襄河歲月多
今早郎書荆北
安陸府志

卷三五

七言絕句

八

到昨宵妾夢漢江過

雙雙瀉鵝闌晴川
對對鴛鴦戲白蓮
如何郎去儂無
偶惱殺春風夜不眠

茅埠歌

四晉之二

李 濂

天上三江接六溪
碧紋不動月輪低
水仙吸露蘋花
畔鮫女尋珠竹樹西

江上逢穉穉可憐
西風暮起浪連天
楓葉如吟采蓮
曲荷花偏影捕魚船

沙湖 四晉之二

李 濂

沙湖問俗暫停槎只見平湖不見沙誰道湖村風俗
好如花少女賣魚鮓

湖上人家風俗清蒲衣芟筏可憐生採蓮慣識溪邊
路躡網頻驚樹上鷺

柳口樵歌

盧滋

一自山中爛斧柯歸來行唱太平歌暮年擬結漁樵
社白髮蕭蕭柰老何

邈邈湖

孫茂芝

菱芡蒲荷共一叢蘭橈無路曲能通不須更覓滄洲

安陸府志

卷三十五

十一言絕句

九

趣消受清香十里風

碧霞洞

正誨

扶倒清泉飲馬時碧霞潭洞艸離離靈蹤掃地無人
問唯有遮天老樹枝

漢江歌

童承叙

荆山郢樹照南洲漢滔滔天際流神女不來雲雨
暮騷人一去蕙蘭秋

按童作漢江歌十首此其一也
他作近古而皆豪華故刪之

至郢東葉明府

譚元春

天教卓魯寬饑歲性癖江山閉晚衙欲信君才非吏俗看予如訪故人家

歸經玉泉

譚元春

蟬立山先山薄寒晚秋聲短應泉難幽鐘秀塔泉同性音在其中請細觀

歸經蒙惠二泉

譚元春

元氣蒼蒼勝玉泉細源分出一溪煙靜看今夜衣邊月知落蒙邊落惠邊

古城喬木

王爾楫

安陸府志

卷三十五

七言絕句

十

松杉巢鶴老于翁一顧荒城想像中三國枉能爭鼎足空餘苔蘚哭秋風

蓬湖春漲

王爾楫

風雨一宵新水綠亂蓬聲裏釣魚絲漁郎家傍桃苳岸記得年年二月時

復州詞

胡承諾

妙青煙白若爲秋行客遙憐古復州最是荒庭宜牧馬材官多任市西頭

留題東湖禪房

譚篆

棲雲小立道林莊六月荷溪送晚涼不必買山隨意
定閉門燈影叩鐘長

住得心情亦自由漁歌起處惱沙鷗未消茶火三更
足殘月東梢恰一鉤

栢子香前人影寒竹根敲破太無端雲中一夜歸何
語獨立蒼苔曉露殘

宿白竹寺碧公山房

譚篆

落盡寒花冬又暮空山誰是叩門人頻年車馬勞勞
骨留得松風一夜真

安陸府志

卷三十五

七言絕句

七

梵堂燈影照閒身軟語團樂世外真莫道山僧空一
切石門蒼鳥待逢春

郢中秋思

賦得云誰之思
三十韻存十首

許琪標

云誰之思溯天宮素影寒侵老桂叢靜女無言情可
掬霓裳一曲度香風

云誰之思采芙蓉延佇江臯興自濃探有明珠堪結
佩徘徊蒼際許重逢

云誰之思涉秋江翩翩宵征鴈影雙纔度瀟湘增悵
結恰來微雨灑蕉窓

云誰之思張翰尊名姝好鳥結芳隣幸藏斗酒澆清
骨未許黃荅獨笑人

云誰之思巫山雲曾灑幽貞向楚君何意數峯天半
隔夜來猶覺接氤氳

云誰之思藝藍田竹榻松風貯麗娟欲與金莖同峻
潔不隨芳草共綿芊

云誰之思素心交荒徑新開共結茅時有煙雲供我
餉不將風月向人嘲

云誰之思暮雲停欲狎鷗盟到水汀領取天空能好

安陸府志

卷三十五

七言絕句

三

我烹鮮豈必問樵青

云誰之思歌莫愁何似閒同躡屐遊爲愛林巒須選
勝相將卧與白雲謀

云誰之思子夜砧輕寒散入遠人心獨堅道力看梁
月應使高唐骨不尋

蘭臺

毛會建

百尺蘭臺氣象雄披襟况有大王風詩人亦自分餘
勁白雪歌聲遍國中

楚賢井

毛會建

九歌心事古今憐九辯由來有夙傳只此櫛山一勺
水無人不識大夫賢

石城

毛會建

連岡帶谷啟重圍叔子深心尚在人但看城頭雲起
處鬱葱煙樹萬家春

浩然亭

毛會建

夫子風流萬古名同時摩詰倍含情筆端多少傳神
處一在襄陽一石城

京源碑

毛會建

安陸府志

卷三十五

七言絕句

三

京源百里勢颯洩好是嗔枯水落時山下斷碑何處
所影寒莖瘦骨中詩

卜築郢中十二晉之二

毛會建

卜築何心到郢中蘋洲竹塢百蒼叢荷香陣陣來書
屋讀罷呼兒試碧筒

卜築何心到郢中啼殘春鳥響寒蟲山空木脫人踪
少數點飛蒼是落楓

論曰張楚風實自屈宋雖不專屬於郢而藝文必晉
列其篇章志創也嗣是作者代興雲蒸霞蔚項背相
望各有專集流布海內茲所錄者城郭廨宇橋梁道
途琳宮梵刹之文紀吏績志遺愛使考鏡於將來抑
或停騫選勝觸景懷新作賦登高寄詠臨流雖蹟在
榛莽籬壁間猶當搜剔也若乃片石非子昇之筆流
沫有徐凝之誚吾亟汰之免山水詬厲耳

七言律

卷三十五

宋玉宅

杜甫

摧落深知宋玉悲，風流儒雅亦吾師。
悵望千秋一灑淚，蕭條異代不同時。
江山故宅空文藻，雲雨荒臺豈
菁思。最是楚宮俱泯滅，舟人指點到今疑。

明妃

杜甫

群山萬壑赴荆門，生長明妃尚有村。
一去紫臺連朔漠，獨留青塚向黃昏。
畫圖省識春風面，環珮空歸夜
月魂。千載琵琶作吳語，分明怨恨曲中論。

安陸府志

卷三十五下

七言律 一

送令狐郎中赴郢州

趙嘏

佐幕才多始拜侯，一門清貴動神州。
霜蹄曉駐秦雲斷，野旆晴翻郢樹秋。
幾處塵生隨候騎，半江帆盡見
分流。大馮罷相吟詩地，莫惜頻登白雪樓。

登安陸西樓

趙嘏

樓上翠筵日日開，眼前人事祗堪哀。
征車自入紅塵去，遠水長穿綠樹來。
雲雨暗更歌舞伴，山川不盡別
離杯。無由併寫春風恨，欲下鄖城首重回。

石城

鄭谷

石城管爲莫愁鄉莫愁魂散石城荒江人依舊棹解
艫江岸還是飛鴛鴦帆去帆來風浩渺蒼開蒼謝春
悲涼煙濃柳遠望不盡千古漢陽閒夕陽

再訪陸處士

曹松

萬卷書邊人半白再來惟恐降玄纁性靈比鶴爭多
少氣力登山較幾分吟髯漸無前度漆寢衣猶有昨
宵雲將知谷口耕煙者低視齊梁楚趙君

送人歸郢中

劉禹錫

君思郢上吟歸去故自渝南擲郢章野戍岸邊留畫
安陸府志 卷三十五 七言律 二
舫綠蘿陰下到山莊池荷雨後永香起庭艸春深綬
帶長祗恐鳴騶催上道不容待得晚菘嘗

聞虞沔州有替將歸上都登漢東城寄贈

劉長卿

淮南搖落客心悲滙水悠悠恨別離早雁初辭舊關
塞秋風先入古城池腰章建隼皇恩賜露冕臨人白
髮重惆悵使君先我去漢陽耆老憶旌麾

安陸寄友人

劉長卿

新年艸色遠萋萋从客將歸失路蹊暮雨不知滙口

處春風只到穆陵西孤城盡日空花落三戶無人但
鳥啼君在江南相憶否門前五柳幾枝低

漢水傷稼並序

許渾

此郡雖自夏無雨江邊多穡油然可觀秋八月天
清日朗漢水泛濫人實爲災軫念疲羸因賦四韻
西北樓開四望通殘霞成綺月懸弓江村夜漲浮天
水澤國秋生動地風高下綠苗千頃盡新陳紅粟萬
箱空才微分薄憂何益却欲回心學釣翁

送盧先輩自衡嶽赴復州嘉禮二首

安陸府志

卷三十五下

七言律

三

許渾

名振金閨步玉京暫留滄海見高情衆蒼盡處松千
尺羣鳥喧時鶴一聲朱閣殿涼踈雨過碧溪船動早
潮生離情不異西江水直送征帆萬里行

湘南詩客海中行鷓鴣翅垂雲不自矜秋水靜磨金鏡
上夜風寒結玉壺水萬重嶺嶠辭衡嶽千里山陂問
竟陵醉倚西樓人已遠柳溪無浪月澄澄

春早郡樓書事寄呈府中群公 許渾

兩鬢垂絲髮半霜石城孤夢繞襄陽鴛鴻幕裏蓮披

檻虎豹營中柳拂墻畫舸欲行春水急翠簾初捲暮
山蒼峴亭風起蒼千片流入南湖盡日香

過郢州

魚鉉機

柳拂蘭橈蒼滿枝石城城下暮帆遲折碑峯上三閭
墓遠火山頭五馬旗白雪樓高題舊寺陽春歌在換
新詞莫愁魂逐清江去空使行人萬晉詩

道院迎仙

皮日休或云
偽作

百尺丹臺倚翠華洞門迢遞隔煙霞雨中白鹿眠芳
艸松下青牛卧落蒼幽谷月明浮紫氣瑤池水暖伏

安陸府志

卷三十五下七言律

四

丹砂拋書亦欲尋真去安得相從一飯麻

天門夕照

皮日休

落霞如綺絢晴空坐看天門欲下春十里孤峯層漢
碧數村殘照半江紅荒邨市暝人歸牧遠浦沙明水
宿鴻回晉長安何處是嵯峨宮闕五雲中

霄城暮雨

按霄城漢晉縣名笑城皮日休
宋將事則此非日休作

艸林連雲雉堞平蕭蕭風雨暗荒城流歸澗壑應無
色響入松杉覺有聲旅邸愁人寧復夢書堂倦客若
爲情芭蕉滴澀傷心處俯仰空懷一笑名

荆門西下

李商隱

一夕南風一葉危，荆雲迥望夏雲時。
人生豈得輕離別，天意何嘗忌嶮巇。
骨肉書題安紀復，蕙蘭蹤跡失佳期。
洞庭湖濶蛟龍惡，却羨楊朱泣路岐。

郢城新亭

劉賓

每到新亭卽厭歸，野香經雨長松圍。
四簷山色消煩暑，一局棋聲下翠微。
冰片角巾簪澗月，錦紋拳石砌苔磯。
近來學得籠中鶴，迴避鶯聲笑不飛。

白雪樓

劉賓

安陸府志

卷三十五下

五

江上樓高十二梯，梯梯登盡與雲齊。
人從別浦經年去，天向平蕪儘眼低。
寒色不堪長黯黯，秋光無奈更淒淒。
闌干曲盡愁難盡，水正東流日正西。

和郢州張伯常惠詩

范純仁

高標早與利名疎，獨向朱門肯曳裾。
舉眼正無羈客伴，開顏長喜故人書。
相期消息應端的，久別情懷待展舒。
聞說山城春色早，安車乘興莫徐徐。

荆門冬夜

陸游

常饑龜老欲無腸，臨聽寒更自短長。
香椀得閒聊作

伴酒杯因病頗相忘有情窗鏤恰通月耐冷臍枝多
得霜歷盡風波知險阻平生錯羨捕魚郎

哀郢

陸游

遠接商周祚最長北盟齊晉勢爭強章華歌舞終蕭
瑟雲霄風煙舊莽蒼艸合故宮惟雁起盜穿荒塚有
狐藏離騷未盡靈均恨志士千秋泪滿裳

荆門十月早梅春徂歲真同下阪輪天地何心窮壯
士江湖從古著羈臣淋漓痛飲長亭暮慷慨悲歌白
髮新欲弔張華無處問廢城霜露溼荆榛

安陸府志

卷三十五下古律

六

和張伯常自郢中將及本境先寄長句

曾鞏

拔薤威名亦壯哉握蘭丰度冠中臺知音忽有雙魚
至喜氣遙欣五馬來梨顙玉腴含雨重菊芳金粉倚
寒開池邊且欲留同醉思獨難酬白雪才

遊新洲寺

黎淳

山阜俄生百丈淵果曾滄海變桑田沙填鰲極中藏
寺地鎖龍宮下有天琴劍萬千餘里客帆檣七十二
灣船江靈識我題詩意岸艸汀荅散滿前

遊大佛寺

黎淳

潛水東流賴禹功
水環蕭寺亦朝宗
郊原有路通車馬
城郭無山礙鼓鐘
佛大比天誰廣潤
僧閒與月共從容
明朝我復趨朝去
又隔雲山幾萬重

遊通明觀

黎淳

玉皇香案憩微官
樓畔芳洲響珮環
勝境不居黃鶴下
雕欄半隱綠楊間
仙源未卜三生分
吏事猶能一日閒
醉比江南一吾土
望中惟欠數青山

送嚴給事中出使琉球

黎永明

安陸府志

卷三十五 七言律 七

驅馳萬里不辭難
送出都門曉尚寒
雲捧日華光使節
柳拖春色上吟鞍
帶將雨露天邊去
留得文章海外看
愧我無才登部署
終朝碌碌事盤餐

送鄒文伯歸省

黎永明

一曲驪歌響遏雲
青青衿佩別橋門
百年團聚雙親願
萬里歸來聖主恩
行處清泉涵碧玉
醉時明月照金罇
空餘隻影天涯外
故國青山惱管魂

李沔陽飲後田鄭二子復集于斯莊望見懷水

驟落衆頗訝之

李夢陽

五馬柴門夜已迴二豪尊酒且重開
林乾鳥雀群應喜水落鳧鷖半不來
踈懶合收任氏釣歎歌真慕阮
公臺亦知河朔非凡輩逃暑無辭掌上杯

田居嘲答李沔陽

李夢陽

郊園自在君侯車日日觸熱尋吾廬
柳長風多祗欲睡瓜成雨來仍用鋤
遠田陰陰立黃鵠新波雙雙跳
白魚卽令石水泥五斗豈無五馬愁騎驢

東禪寺次韻

魯鐸

舊遊煙景到仍迷歲月重驚幾攝提
同濟叨隨元禮

安陸府志

卷三十五下書律

八

棹幽尋疑入武陵溪華軒古堦從登眺
好鳥濃蒼費品題隱隱湖心來徃路
路人今號使君堤

沙湖留題圓通寺

童承叙

鑑湖深處有招提萬里秋濤碧樹齊
落日諸天雲水上百年高閣漢江西
無數鳧鷖當檻浴有時虎豹隔林啼
停舟忽縱登臨目錦浪青峯煙霧迷

聖水庵

王格

庵名聖水豈徒然門枕京源第一泉
秀石攢雲誰濯錦天飄風派不知年
晴飛龍壑千重雪秋熟山家萬

項田摩詰丹青杜陵句亦難摹寫十分全

遊太陽寺

王格

杖藜三度訪雲門琪琳琳宮日轉繁白髮自憐頻歲
短緇衣舊識幾人存春深林鳥迎蒼路夜久空香落
酒尊坐倚繩牀尋內典緇殘貝葉欲忘言

宿芭蕉寺

王格

大富南來宿沃州空濛嵐氣隱高丘僧貧猶守明心
教溪淺徒聞比日遊沙島日斜孤鶴下石門雨歇淡
煙浮澗旬奔走耳跌坐杉影蕉聲傍席幽

安陸府志

卷三十五言律

九

春日遊如意寺

王格

春衣初試此登臨蒼髯龍鍾感舊深野寺樓臺能勝
昔山人杖屨可無今松陰清晝迷僧逕山響中宵各
梵音却似當年謝安石賭碁閒上白雲岑

趙橫寺

王格

偶逐樵夫度遠峯金宮一簇萬芙蓉香林宿霧間巢
鶴古洞腥風吟卧龍雲壑徧尋前代碣石樓遙聽夕
陽鐘山僧琴酒能娛客開戶長廊雪滿松

龍窩石

孫交

窮搜石勝得龍窩赤土岡頭近水坡每憶抱珠蟠石
窟似聞爐氣上天河千年靈跡山川古九夏神功雨
澤多我亦雲霄曾快覩賜歸襄漢浴恩波

次郢上曾以三司空攜具見訪舟中話舊

吳國倫

幾載傳書問別顏膏中無路見燕關那知江漢乘槎
過恰遇雲霄解組還宦蹟三朝供白首君恩一日重
青山醉來身世風濤外始信冥鴻不可攀

報恩寺

時以南兵部員外重到

徐 咸

安陸府志

卷三十五

十一

高閣脊風倚畫闌江城二月尚餘寒荆南舊客驚重
到河上新題喜乍看檀板清尊情疊疊綠波芳艸路
漫漫逢人浪說棠陰好慚愧當年亦漫官

題報恩寺

沈 慶

荆楚西來第一峯梵宮森列案重重聞經清唳松陰
鶴聽法香翻鉢水龍徑曲每憐蒼樹合林深時有白
雲封凭高撫景愁無盡回首楹廊遞晚鐘

普門寺

屠 痛

蒲地煙霞掃不開山巒面面翠成堆門扃落照僧初

定路接紅塵客自來百尺蚪松當戶立幾株仙桂倚
雲栽吟邊也愛禪家樂踏破蒼蒼一徑苔

南巡

王寵

瀕洞風塵漉未休淒清江漢仲宣樓摩天鴻鵠終辭
網跋浪魚龍岌負舟黃竹泠泠迷楚澤白雲冉冉接
昭丘金輿玉座千年事流恨荆揚古帝州

京山道中

盧雍

淡淡東風曉雨晴薄寒天氣近清明華鋪秀嶺來春
牧煙起平田事火耕新柳向人偏弄色幽荅滿地不
安陸府志

卷三十五下七言律一十一

知名驅車又過京山去怪石縱橫水有聲

黃蓬山

陳文燭

黃蓬山勢接蓬湖湖上青山近有無落日荒臺屯魯
肅大江流水下周瑜崗巒巒連絡牽瓜蔓煙雨參差列
畫圖今古戰場堪一醉林間春鳥喚提壺

侯埠驛

潘子安

桂荅開遍菊荅開三月辭家九月回帆背夕陽天外
去雁分秋色水邊來嘉禾雲偃懷幽俗落木風高憶
楚材莫怪舉杯無飲興倚閭當日正徘徊

仲宣樓

童時

登樓四望欲銷憂
極目平原艸木秋
歲月忽驚人已遠
江山如待客重遊
峽中水接濤聲迥
城上雲連樹色稠
公暇幾回傷往事
不堪爲客更淹留

鬼谷洞

許英

可愛清溪古梵宮
一灣流水數株松
半巖晴日裁雲衲
十里山風送曉鐘
道士簪乘天上鶴
老僧曾叱鉢
中龍停驂坐聽談
鉉處香裊茗扉燭影重

和許公宿玉泉寺

孔廕

安陸府志

卷三十五下七言律

十一

野谷幽深鎖梵宮
千章濤木鬱龍葱
香浮古篆半簾霧
茶漱清泉兩腋風
鶴伴老僧歸夕照
山留行客駐霜楓
前朝殿閣渾秋艸
眺望凄然一慨中

題龍泉寺

鄭岳

羸馬東風不計程
每逢佳處問山名
日斜谷口僧留宿
路繞雲中鶴出迎
夾澗幽松含晚色
近簷啼鳥喚春聲
上方坐久渾忘却
簾捲前峯曉正晴

過玉泉寺留宿

張邦奇

江郭風清夕照收
玉泉峯外倚天樓
詩成野寺含明

月夢入瀟湘
碧流河洛十旬因
問古巴巫千里正
悲秋蒼松翠柏沉沉夜
誰共燈前話杞憂

沙湖

王 槩

路入沙湖景漸幽
日斜風定雨初收
白雲藏綠山間
寺碧樹圍紅驛外樓
波影平鋪千里月
水光倒浸一天秋
荆湘佳景良難得
此處經過是勝遊

石城寺

滕宗諒

山勢如城遠梵宮
幾人登賞我心同
溪雲去作人間
雨澗水來生座上
風半橐籥書慚醉
尉數峯猿鶴羨
安陸府志

卷三十五下七言律

三

逋翁明朝又向秋
塵路更倚層樓一望中

白雪樓

張舜民

千里寒江遶檻流
登臨能起古今愁
山連巫峽多雲
雨路入荆門幾去
留千載浪名金馬客
一宵沉醉石
城樓卸人休唱陽春曲
白盡湖南刺史頭

子陵讀書臺

汪道昆

从拚生事老滄浪
忽謾微車出建章
橫足那知天子
貴掉頭不改故人狂
九霄星象留懸石
千載風聲薄
釣璜歸客祇應懷
獨繭披裘好在漢江傍

圓通寺

高岱

輕帆遙指古招提，落日沙湖樹影低。
鐘徹五更鳴曉曙，經傳六道自天西。
蒲團僧定幽香篆，松徑人來夢鶴啼。
幾度徜徉歸欲晚，山溪石磴路還迷。

山居卽事

劉侃

予家子陵山下有井曰帝星，相傳漢世祖訪子陵先夜帝星光射井中。東有嶺曰聖人，誌謂孔子適楚經此，並未詳嶺。南下有泉曰旋風，泉流遠曰均水，因並賦之。

安陸府志

卷二十五 七言律

十四

嚴陵山下舊吾廬，雲白峯青十里餘。
赤帝星光空井斲，素王轍跡已丘墟。
旋風泉迥無人汲，均水河深可自漁。
煙景若爲幽興溢，杜門欲炒太玄書。

沔陽報恩寺

李濂

朱閣晴雲迥抱城，上方鐘磬曉來清。
風塵荆北仍王粲，沔滯湘南又賈生。
遠浦漁歌催暝色，空江木葉送潮聲。
逢迎幸不妨詩律，潦倒聊堪適宦情。

遊通明觀

李濂

蓬萊仙閣水雲高，聽政憐君溼綈袍。
暫對煙波停劍

鳥莫嗔鷗鷺近旌旄憂兼沔郡吟哦少泣向天闕奏
疏勞極目淼茫相憶切音書日望漢江臯

陳玉叔沔中雪坡妙堂

歐大任

楚客才名柱後冠西堂字字是琅玕園多積雪歌仍
起臺似易春和更難竹樹江沱移艇入梅巷雲杜引
觴看中原何限蒼生望留得東山待謝安

安陸郊行

方向

紅情脈脈透蒼梢綠意津津上柳條酒旆颺風連野
店茶煙衝雨過溪橋江山我自詩中寫人物誰來畫
安陸府志

卷三十五下

七言律

十五

裏猶十日閉門今日出欲從莊子問逍遙

築室南園二首

王宗載

蕭然環堵亦優游更闢蔬園構小樓負郭溪山窓外
見隔簾煙雨坐中收寂寥楊子書千卷簡達謝公宅
一丘曲徑曾無車馬跡過從猶自有羊裘

讀罷玄經暫啟關一溪流水繞南山碧波激灩春潮
上紫氣氤氳夕照間松菊門庭俗客少桑榆光景幾
人閒靜觀物理元無盡難老何須問大還

郢中四首

李維楨

觚稜金爵日華中郊卸天開赤帝宮信是龍蛇生大
澤不煩雞犬徙新豐方城漢水寨區勝白雪陽春絕
代工雨露恩施湯沐地輕肥裘馬五陵同

河山九點劃齊州江漢滔滔此上流分野帝呈曾翼
軫園陵王氣在松楸朱旗卧護三千隊黃屋平臨十
二樓風起雲飛同沛澤人中龍虎聖朝收

六龍飛處五雲生邸第樓臺轟太清寶鼎三分天作
府金陵雙峙石爲城蠲租詔使尋常下奉酌祠官絡
繹行聞道翠華南狩日瞻依不盡故鄉情

安陸府志

卷三十五下七言律

六

天步多艱自武皇神堯十六起陶唐觀風廣漢知王
化望氣春陵是帝鄉原廟銀璫鉤質令周廬紈綺羽
林卽三朝父老扮榆社伏臘頻呼萬歲觴

觀音巖

李維楨

東風處處報芳菲立馬斜陽上翠微花氣一林雷雨
潤泉聲百道遶雲飛因尋白社春常到爲愛青山夜
不歸趺坐繩床無所事村春鄰火自相依

送孫卽中銓守郢中

李攀龍

鬱蔥佳氣漢江邊今上龍飛北極年過幸沛宮三日

飲裁留郢曲大風篇仙卽珂散蓬萊月太守帷開橘
袖天明到爲存湯沐邑酒須知父老借才賢

送孫卽中銓守郢中

王世貞

五馬憑陵紫氣中方城南冠楚天雄成周百葉稱江
漢先帝千秋憶沛豐將爲股肱仍見名卽論湯沐竟
誰同蘭臺宋玉毋煩對父老時時歌大風

吉祥寺

王越

石城門外好風光小憩禪林酒一觴天地有情容我
老江山無語笑人忙妙含南浦詩中意梅帶西湖畫
裏香撫景欲吟吟不得晚雲拖雨送斜陽

安陸府志

卷三十五

七

郢州山堂唱和

李袞

不離雉堞似山家消得詩翁著意誇水界葱芊成畎
澮天將平遠入煙霞沙禽暫落分明見村徑相通取
次斜且莫向南舒望眼塵埃闐闐事如麻

蘭臺

呂隆

古人卜築得山情漢水當軒日日生寶塔插霄仙掌
侍漁舟弄月蓼花輕罇開北海聚秋興曲縱清謳任
斗橫最是雄風饒勝槩紅塵未許落檐楹

仰止堂山對雪

顧璘

高筵對雪多清興况復江天落艸堂
漠漠凍雲低野樹霏霏風絮過山墻
寒疑點綴侵簾影坐判虛明映燭
光莫怪夜深吟不就舊歌元讓却人強

初夏遊龍泉寺

顧璘

白雲飛處碧山濃聊屈東迴第幾峯
古木林深無虎豹清潭泉湧有蛟龍
牆旣已逐春光盡石髓還容俗客逢
解組期來任藺若爲君沿澗種青松

遊龍泉寺

張大德

安陸府志

卷三十五下

七言律 六

閑遊勝地訪閣黎對景參禪
午後雞飄澗清鐘連谷響翻雲白鶴與天齊
登山恍若親龍眷送客依稀過虎溪
婚嫁幾時銷俗債好憑仙境了全提

覲畢還州作于報恩禪寺

袁福徵

復州環堵半沮如錄罪清朝奉簡書長擬雄心參佛法
自慙愚戇誤恩除潢蒲沃柳連沙羨白水滄浪接太虛
極目江湖聊自曠敢蘄廊廟有吹噓

遊大佛寺

袁福徵

州縣徒勞歲寡功漢南分輔憶朝宗沿江父老悲秋

黍新水樓船宿暮鐘竿牘十年增縞鬢饑荒連郡動
華容荒城頽寺徐閒轡愧闕流亡謁九重

元真觀

黃學準

何代琳宮楚水頭名公曾此約清遊穿巷聽鳥人人
得背郭臨丘事事幽一宦忽驚千里別六年無假片
詞留不堪回首成塵跡日暮雲生杜若洲

元真觀

成鍾音

伊人珠宮夜氣深數家燈火隔春林玄都路遠桃傳
碧落雲開竹覆陰萬里風塵雙染髮百年事業獨

安陸府志

卷三十五

九

心主人見有黃冠客樽酒殷勤不厭斟

白潛江登舟詣竟陵

楊珺

飛荆襄馬上遊寒風却棹沔陽舟蒼波碧浪三灣
喚白艸黃蘆兩岸秋日落鷗聲驚宿雁月明笳韻起
眠鷗傷人欲識旬宣意王澤應教廣布流

伏波祠

喻曉

高氏堤邊漢將祠具瞻猶見漢威儀豐功不獨題銅
柱遺愛于今載石碑古木凌空風葉落寒煙滿地夕
陽遲將軍已歿千年後尚走村童伏臘時

遊玉泉寺孟襄陽亭址

陳鳳梧

古碑苔蘚自千年佳句猶存孟浩然十里松風鳴碧
洞一池龍雨漲清泉景幽端可忘塵世心靜何須問
老禪踏遍荆南山水路翠微深處伴雲眠

登仲宣樓

黃聖年

彈丸四塞本巖疆荆菊西來抱玉陽編却陰森權口
遠沮漳迢遞楚陵荒金鈔漫憶仙攀井石馬猶驚古
戰場惆悵王孫歸計錯山川搖落賦空長

煉丹井

岳岱

安陸府志

卷三十五下七言律

三

仙井依然梵寺中試窺一鑑倒晴峯飛花水底紅猶
積古蘚山中綠自封千載無人丹竈滅一杯留客野
僧供我來翹管遼東鶴華表秋雲駐短筇

石城懷古

劉洪

滿城風雨菊花香撫景悠然思渺茫解珮無人亭已
古煉丹有井水猶芳五禽寂莫餘頽壁二石荒涼隱
夕陽惟有朱門前度月夜深仍照莫愁鄉

飲構木山齋看殘雪

譚元春

雪在補峯照郢明與君高踏萬家晴煙飛日落歌喉

薄屋白山青醉眼爭帝里餘寒水寢廟客檐新霽雨
柴荆惠連一賦無他好堪戒胸中慮與營

九日與伯敬居易在玉泉

譚元春

豈意登高如此清重陽何止愛其名鑊依寒寺藏興
廢葉下平沙聽重輕颯爽能飛四時雨蕭森不學衆
峯晴閒心一意尋泉去尋到源邊月亦明

再過玉泉閒步憶同鍾伯敬舊遊

譚元春

十年音吐落嵐峯叉手看山屐履蒼智者常存依洞
安陸府志

卷三十五下七言律

三

壑文人銷盡念隋唐土膏漠漠融新雪塔影蕭蕭學
夕陽咽向春禽啼不徹行來行去水聲旁

登白龍寺閣

譚元春

偶遊荒寺將窮處一閣高深出自然村鳥不飛紅樹
外行人半在綠溪邊寒通遠里無非旭冬滿平時但
有煙欲豁南來山水目此中風物不須全

小天竺

王應翼

越竺雖三總幻塵何緣得借到南新師曾亦演飛來
偈我却難尋見在因惟慧當身皆淨土能空著足是

歸津頻過不比攢眉客亭竹階蒼自作春

隍城寺

王應翼

于以連鑣碧澗行豫遊真喜值春晴攜來新茗如浮
蟻穿入垂楊有坐鶯近圍佛舍蒼鳥氣到門僧了木
魚聲誰探幽僻調清梵一路閒雲石逕平

太陽寺

王應翼

自然虛肅不關冬榆白楓丹直向松是水通橋霜與
澈爲廊依殿霧偏封壁潮靜撼魚龍氣閣岫高懸鹿
豕蹤登憶侍郎訊開士雪花狂綻打宵鐘

安陸府志

卷三十五下七言律

三

子陵寺

王應翼

狂奴誰管詣南陽去徑將無寄此鄉何得帝星懸古
井空留佛月照廻廊釣臺可作桐廬視書室還從竹
塢蕺鐘語釵痕鯨不祟天門遙接火門長

太圓寺

王應翼

青鴛隱隱護平村遙帶河流直到門群接苾芻皆舊
識獨留茶薜與重論殿開曉磬尋煙響岸折寒船過
浪奔踏遍空階臨石坐薺蒼黃似布金園

遊黃蓬觀

潘遜

仙宇蕭條水石間，偶乘春色一躋攀。
青山嘗有雲扶杖，紫氣偏逢客到關。
桃林徑邊人去遠，松峯香裡鶴栖閒。
洞天暝色湖天共，朗誦南華踏月還。

觀音閣

喻曉

丹閣凌霄倚夕陽，白雲渺渺赫蒼蒼。
半江沙壅成梵地，下界閻浮出上方。
月滿中天時擊磬，煙生寒渚夜焚香。
往來湖海孤舟客，却喜登臨望故鄉。

謁申大夫祠

譚如綸

乘勝吳兵入郢年，細腰爭乞闔閭憐。
孤臣獨洒秦庭淚，伍子空揮楚國鞭。
望幸離宮成野艸，報功祠宇薦寒泉。
兩人能覆亦能復，片語相期非偶然。

登太陽峯

李滋白

習閒絕喋但山親，吸息天風籟壑身。
尺隱龍蛇心可問，寸環飛啄雀無嗔。
愴神每惜池亭舊，入慮無多水石真。
杖履追尋饒濟勝，前朝古寺許來頻。

石橋書院

葉善

簪日有志紹先賢，構得藏修屋數椽。
煖席春風懸絳帳，寒燈夜雨對青編。
事同嶽麓千年著，名並匡山萬

古傳今日題詩追舊跡餘光還耀石橋邊

過胡文定墓

楊誌

羸馬迢迢一逞偏萬峯深處見諸天山頭白鶴飛來
雪潭底金龍噴作泉叢桂有情猶小隱松楸無語怨
南遷登臨莫問興亡事煙雨霏霏度石田

長林東郊

楊誌

望入平原秋氣微村南煙火幾柴扉黃雲簇簇香棋
綴紅雨紛紛落木稀犬吠墻頭驚客過鳥還林麓傍
人飛寥寥野况知誰共一曲長歌稱采薇

安陸府志

卷三十五下 七言律

七

同仁書院

王應鼎

已將身許肯賢中此日登堂憶往蹤窮理務知根本
處存心誰識夾持功當機直指推新建正學無訛想
晦翁道遠日長須自勵敬持一念答蒼穹

過先侍御祖骨鯁坊

公諱宗茂
見忠節傳

王應鼎

諫臣瀝血碧長虹千古英靈感慨同華表遺陰留片
石荒城蔓草說孤忠生平灑氣歸天壤此日聲名照
太空姓字久將青史重幾人駐馬拜高風

多寶寺訪員生上人

王應符

浮塵荏苒到茲年八十流炎迅似弦
身未暇依譚定法心從淨域憶高禪
蓮老坐聽魚聲細管貝葉經翻杖
影懸久欲上方覓伴侶嶺嵐溪月有餘煙

遊滴水巖過天納第山莊不值 王應符

夕陽殘照落煙墟漸入輞川別業居
遠岫雲歸昏未歛小園春到綠全舒
城南山色排青嶂巖下溪聲遶碧渠
我欲携筇坐夜話空將鳳字題門閭

泛竟陵西湖 鄭友鉉

亭看甌香立處危舟從昨夜目中移
戶存疑有秋聲安陸府志 卷三十五下言律 三五
館客過誰留卧水碑荷葉就殘老未已
漁父初罷影相吹短航涼坐孤僧穩猶是白門舊執儀

吏隱堂自題 李起元

小開虛閣署西偏甃得方塘鑑水鮮
無計買山聊坐隱未能出世且逃禪
踈踈修竹遮衙戟故故迴廊透簡篇
不是前身陶靖節肯令彭澤片時眠

過觀音巖 李起元

征輿漸引入溪灣漱玉飛泉百丈潺
洗盡紅塵飯飯爭土劈開青嶂露慈顏
千秋曇影香雲覆半壁柳根龍

象環何日支筇探五嶽羨他白鳥一雙閒

荆門道中深秋早行

李起元

一帶疎林籠曉煙尚餘斜月印前川遠鐘欲斷聲猶
咽宿鳥纔醒去復還汨汨流泉滋夜氣荒荒平野歛
芳妍沙頭喧渡遙看處浴日分光到客船

潛江大佛寺三晉

婁鎮遠

漫道無因造化功還從靜處悟歸宗千秋古刹沉環
水萬里濤聲傍晚鐘明月有懷浮寶座禪燈無意照
慈容潛陽古道垂煙柳畫裏江天積幾重

安陸府志

卷三十五

三

何方墊衲弄鐘聲貝葉菁英晦亦明雲破虛窓供眼
界天空無路踏鵬程江沱水落風潮靜日月光澄幻
境清古去今來難悉數不知若個悟浮生

一天紫氣豁輪迴高閣層城四望開九派水吞雲骨
瀾三巴地擁鏡湖來池邊野趣留僧餉門外溪聲護
佛臺鱗甲空生兒女怨魚龍多爲鬼神哀

寺後有
社壇

度門漫興

正 誨

深林黃葉卷秋聲古寺寥寥非世情一榻黃昏聽雨
坐孤岑白日看雲行寒巖老樹老兼鳥破衲枯藤窮

與兄隱顯去來千載後度門不異化人城

沙湖

金獻民

蕭蕭行李過沙湖五月將臨四月徂兩岸蘆荅民舍
靜半帆煙雨客懷孤旋烹新茗消昏暑自買河魚煮
午厨笑我不如湖海士鵬聲驚起水中鳧

遊龍泉寺步壁間韻二首

黃允壽

久說名山引興濃閒遊約伴踏晴峯忽驚入聽千巖
雨真有噴泉百尺龍翠落虛廊雲不散蒼開大室笑
相逢儼然一會人無語韻發春濤萬樹松

安陸府志

卷三十五 七言律

三

幽壑空濛香不斷松門踈豁午鳴雞分將灌畝一泓
碧洗出叅天萬木齊鐘磬聲銷濤掛屋煙霞氣淨月
流谿同遊俱是叅禪者彷彿無言聽耳提

宿三筵河上

譚篆

棲霜鴈影落平沙淺渺河洲日已斜幾葉檣帆來遠
浦一塵燈火聚荒涯貧村冷寺僧無語小店饑年酒
不賒千里長堤裏水惡魚龍爭破萬人家

贈張懋修太守二首

譚篆

清河家世近風雲絳節朱幡早策勳魯地桑麻良有

愛關中雞犬舊相聞
塞車曹澤鶴鷓轉敷座
丹臺杜若熏
取次天街徵化理
郡城絃管正紛紛
槐亭衍燕適
清和鸞鶴聲中白
雪歌保障
權尊兼秉鉞
叅軍幕並獨鳴
珂恩波久注
三湘遠
惠政偏留一邑多
早晚絲綸宣
漢詔銀塘新
澍貼香荷

入郢贈郡伯張懋修先生二首 吳 驥

歡騰遑惜戶常迴
載聽輿歌四野寧
地重專城森列戟
名香御座特書屏
風和麥壠千層浪
雨洗楠峯一片青
郊郢自來分翼軫
比年尤喜戴張星

安陸府志

卷三十五下七言律

三

清香不斷賦憑高
郢上朱欄俯漢皋
天遠雲霞連析木
火將組繡望干旄
雄風自昔吹蘭雪
泥飲無妨戒酒羔
弭節勸農逢盛事
曾驅小隊駐蓬蒿

晚過趙橫寺

吳 驥

看徧青山憶舊盟
曩遊吾亦記題名
蒼池過處經龍睡
翠嶺行時聽雉鳴
端正仍然留寶樹
總持聊復問頽楹
殘僧野寺門皆閉
何限斜陽駐馬情

步城北郭歸從西湖

鄒 山

敢住城隅倦送迎
况言避俗得自行
荷心似怯新留

泝風力羞含細葛輕閒鎖高樓煩鷺立微喧清磬識
僧忤興餘莫憾歸來早展齒無妨再訂盟

投贈郢郡伯張公二首

鄒山

帝山相業錫龍光手縮鵲符出帝鄉恰是旬宣臨七
邑豈徒風度重三唐峯連紫葢雲霞滿春到仙潭州
木香獻壽今當迎佛日已先金粟浴蘭湯

薰風披野稔苗青玳瑁筵開起瑞星萬戶清歌宋玉
里一搏明月浩然亭幾年鼓瑟湘靈見此日懷珠澣
客停願化麥岐非異日祝君驄馬益長齡

安陸府志

卷三十五下

七言律

三九

前題

鄒參

朱綸紫誥出皇州保障才名更孰優渤海煙波今卧
閣郢門風月好登樓香凝燕寢飛黃荔畫染熊車進
綠鹵定有豐碑橫浦口逢人不說峴山頭

郡伯張公轉餉西山凱旋二首 賀運清

風清西塞慶堯天蒼氣盈郊秋更妍稔識范韓驚破
膽共看琴鶴錦隨羈持籌不數鄼侯策卹衆能飛玉
液泉一路凱歌聽欲徹佇迎 丹詔五雲邊

載驅炎暑巉巖中三楚澄清第一功勛伐於今推晉

國風猷自昔重燕公櫬槍夜落空營燼霆電朝舒大道通應有圖麟傳勝事烏啣此日映雲紅

石城雙橋成賦贈張郡公二首 賀運清

旺氣從龍豈異才萬邦經緯一心裁既封西塞標銅柱更浹東郊映紫臺寶帶無私看鶴立星輅攸往跨虹開他年遺愛人思濟不俟乘輿輿請來

澤霽棠陰功被民滿衢歌舞慶同春有蒼皆種社無口不碑題漢濱鞭石何勞空渡海捐犀共譴圖麟河梁散步煙波渺績茂洛陽豈問津

安陸府志 卷三十五下 七言律 三

登白雪樓 許琪標

梅巷應發舊時香有客重來水一方春向劫灰留翠壁曲依雪韻度清商寄懷可使無秦越抗志何嫌不漢唐難負登臨同攬勝望中千里迅風檣

觀音巖次李本寧先生韻 許琪標

天蒼幾瓣落芳菲鳥語傳香秋氣微野刹欲留新雨歇卜居不放曉霞飛流邊韻冷絃誰鼓樹裏聲希鶴未歸遊子深情消客路穿林雛翼自依依

客居卽中詠貽華軒 許琪標

何廬何必指終南
新爽遙來致自酬
竹籟度櫺偏氣韻
梧陰到檻卽煌嵐
買山計不營巢父
守藏名難累老聃
大隱正須朝市裏
塵揮猶可助清談

凝香館作呈張郡伯

許琪標

御屏蚤已識循良
南國陰穠幾樹棠
視遠爭思依露冕
曲高真欲助飛觴
嶺陳絲竹紛無數
庭列琅玕靜有香
星聚江城先氣動
軒軒百尺起牙樞

過白谷洞

胡其懔

偃息白雲避世塵
伴僧鐘磬四時春
洞先髣髴留仙安
陸府志
卷三十五下
七言律
三
界峯色分明供畫因
種竹潯陽終愛節
采桑潁水總由人
窮幽侶好期
皮陸菰脆鱸肥不厭頻

過觀音巖

譚 渾

春愁悵惘集眉邊
艸石溪巖盡是禪
塵骨難將朝磬醒
佛心常與夜燈懸
泉流時代爲終古
樹老先陰不記年
一炷香焚空擾擾
誰堪蔬筍結因緣

過長慶寺宿僧房

譚 渾

途經兩次隔煌嵐
此度尋行暫解慙
但讀近碑猶可識
相傳往蹟不全諳
鼓鐘佞佛春難靜
山水清人月

正涵耐得老僧禪外意幽微期我再來探

觀音巖

王偶重

石唇珠涎吐玉流椽題接壑閣方周箐林密藹常疑
雨壞道哀湍忽號秋藤織蓋縉開錦幔松調竹籟起
群謳灰台慣向香臺縮白帝由來此處留

弔郡佐馬公墓

公諱颺字雪如城隍廟難有傳

費光遠

佐郡回天志豈群良臣何忍以忠聞未灰義髯猶張
戟不屈剛勝已化筋死事既堪同日月生還終亦作
煙雲百年頂踵歸兒女抗節卑官誰似君

安陸府志

卷三十五

七言律

三

由柘陂入沔

王懋復

霜初沾袂已堪驚况是離鄉幾日程農語傷禾今夏
水客懷潤柳早秋晴網垂當戶殘支葦棹送遙煙小
聚萍愁視田田皆亂葉訊人意懶誤前征

圓通寺

陳汝璧

誰從開士證菩提古刹遙吞萬樹低望裏烽煙來塞
北溪邊貝葉自天西臺高漫擬蒼晴落梵靜空聞鳥
夜啼纔覺飯依心地豁不教塵海路長迷

挽東禪寺皓月上人

劉翼孫

上方依舊鎖樓霞放盡梧桐幾榭華到枕鐘聲驅客
夢押簾荷影散樵家還疑一棹尋煙去豈是孤筇入
谷賒誰赴他年泉石約挂瓢空惹故人車

初過寒河訪譚二林表後則居

劉翼孫

園扉乍歛若重攀幽骨年年覺往還曲榭祗容禽語
入新詩不礙酒杯閒雲來去作奇峯想煙淺深生踈
柳顏自是曾中丘壑滿更於何處着深山

七月送乾明寺懶雲還竟陵

劉臨孫

十年前俱少年人相見唯驚鶴髮新爲問而師知甚
安陸府志

卷三十五下

七言律

三三

健更能于我羨長貧骨回還覺荷風軟衣冷正憐柳
月巡蔬圃竹塢勤課護與君分得老農因

策口晚泊

濮陽錦

舟前計日數歸程問渡沱潛舊識名畫角聲中鄉思
遠殘陽影裏布帆輕詩成七字風雲捷江接三巴漢
涉爭徒倚沙頭窺雁蹟細傳蝌蚪最分明

夜汎義河

江琇生

江煙如織酒如泉畫艇無風錦浪牽榭影不隨船上
下舟旂偏與客周旋掉頭笙瑟湘靈舞水底魚龍犀

照燃欵乃數聲歸路晚
遙聽霓曲隱嬋娟

遊義河

吳泰

挈將絲鷁盟鷗群
秋火連天蕩穀文
隔浦榜聲疑撼
櫂迴波帆影欲翻
雲江清落日龜鼉
出岸險嘶風虎
豹聞命酌喜同
伯仲好蓮歌唱晚
碧筒醺